

N. B. Puyhameri Adam. Seledorum Casuum Consoci.
entia Centuri 222. 12. Colon. 221.

M. 11. 23

Biblioteka
Ojców Kamedulów
w Bieniszewie

273 lat ~ 1940 r.

V I T A
S A N C T I S S I M I
P A T R I A R C H Æ
R O M U A L D I

C A M A L D U L E N S I U M

Monachorum Fundatoris ,

*Et Eremiticæ disciplinæ in occidentali
Ecclesia, Restauratoris .*

A S. PETRO DAMIANO

Cardinali conscripta ,

Ac denuò typis ædita , cum Fabriani
ab Abbate , & Monachis Sancti

Blasij Solemni Pompa An-
nus Septingentesimus ab
obitu ejusdē Sanctissimi
Patriarchæ ageretur.

*Ex Libris P. B. Joannis Cantij f. l. m.
Romæ alibi applicat. Exmo
Vaticani. pro Biblioth.*

R O M Æ E T P E R U S I Æ

Typis Constantini 1727.

Superiorum permissu.

IM 12215042

06-09-1874 21

Cardinal's Office

100

SANCTISSIMO
PARENTI
ROMUALDO

Indigni Camaldulenses filij
D. D. D.



UNUS te dignum exhibent tibi magne Parentis Romualde filij tui ; quid enim te dignius esse potest, quam mores tui, virtutes tuæ, vita tua, tu ipse ? Dignum nobis filiis, quorum gloria præcipua tu es, ideoque tantum Patrem jure tenemur amare, colere, ac venerari ; in ejus virtutes inspicere, admirari, commendare, & pro viribus etiam imitari. Dignum Scriptore Filio, Parenti non absimili, nimirum Petro

Damiano, sanctimonia, ac doctrina apprimè nobili, qui an majorem acceperit à Romana Purpura splendorem, an dederit anceps est. Siquidem illi postquam mores tuos cum vestibus tui ordinis induit, in sancti Vincentij Monasterio degens, ubi tu antea sanctissime vixeras, alijque ex tua disciplina viri sanctimonia vitæ percelebres, diem extremum clauferant; cum inibi animadverteret eximiarum virtutum vestigia non levitèr impressa, ipsique parietes vitæ tuæ beatæ suavissimos spiritus illi afflarent; adiecit animum, ut facta tua heroica publicis monumentis cōsignaret: non modo ut officium, cultumque suum erga Parentem ostenderet; verum etiam, ut in se ipso, alijsque religiosissimis fratribus amorē in te maximū excitaret. Quæ causa impulere nos paritèr, ut impressa hanc eandem vitam tuam de integro impressam audeamus tibi ea, quæ par est reverentia præsentare

tare ; nostri ergà te amoris , & obsequij argumentum : ceterisque fratribus incitamentum ad tua sectanda vestigia nō lento gradu. Exempla enim optimorum parentum speculum sunt ; in quod dum filij inspiciunt , primum mores suos , si quos habent , degeneres intuentur , eosque totis viribus emendare contendunt , deinde se ipsos paulatim fingunt ; & componunt , ut in actibus suis similitudinem , quam possunt , exprimant tam excelsæ virtutis.

Igitur Pater optime intueri cōsilia , secunda votum filiorum tuorum , Accipe libenter , quod tibi offerunt quia tuum est . Fac eos assequi , quod exoptant . Discant à te veram amandi artem amante Deum. Ardeant virtutes æmulari tuas ; nec umquam cessent per tritas à te semitas ad tuos in æterna felicitate complexus properare .

P. JOANNIS
BAPTISTÆ
BARGIOCCHI
è Societ. JESU.

S. ROMUALDI SCALA

DE terra herentem Scalam miratur
olympo
Prole Camaldulea clarus in orbe Pa-
rens .
Hoc aliqui scandunt reserati ad limina
cœli ;
Hæc reliqui in niveis vestibulis ima pe-
tunt .
Fortunate senex superam cui templa pa-
tescunt ;
Cui Deus his gradibus mollit in astra
viam .
Conscendant alii flammanti Sydera cur-
ru ;
Scala tibi currus , nec minor ignis a-
mor .

Ejusdem
DE BEATO PETRO
DAMIANI.

Scribente Vitam

SANCTI ROMUALDI.

Gloria purpurei Petrus veneranda
Senatus ,

*Quem sacra templa colunt , quem so-
phos omnis amat .*

*Dum Romualdi memorat pia gesta Pa-
rentis .*

*Fit genitus , magno non genitore mi-
nor ,*

*Nam quod charta refert calamo signata
fideli ,*

*Imprimit in docili corde magister A-
mor ,*

*Ergo quis à Nato valeat dignoscere
Patrem ;*

Inclita si virtus par utriusque fuit ?

Ejusdem

Mater lac subtrahit

PETRO DAMIANI

Infanti, Pellex illam co-
git, ut reddat.

L *Ac negat in cunis Petro nimis effera
Mater;*

*Se noscens multa prole gravare
domum,*

*Increpat ast illam pellex dum voce mi-
naci,*

Cogitur infanti reddere lactis opem.

*O pietas, o Matris Amor non pellico
dignus;*

O Nato peior pellice facta parens.

Si lupa desertos aluit pro matre gemellos,

*Sanguine qui Romæ mœnia prima lo-
cant*

*Hæc lupa quàm meliùs reddit sua viscera
Matri;*

Siccaque materno rore labella rigat.

*Sed tū magne puer, crudeles sperne pa-
pillas;*

*Mox tibi lacte nemus, Sydara, &
antra fluent.*

INDEX

I N D E X

C A P I T U M .

C A P . I .

Causa conversionis S. Romualdi. pag. 5

C A P . II .

Ipsa conversio, & quia corpus B. Apollinaris sine dubio in Classensi monasterio iaceat. 7

C A P . III .

Quomodo Monachi correpti S. Romualdum de Solario precipitare voluerunt. 10

C A P . IV .

Quomodo S. Romualdus se ad Eremum contulit. 12

C A P . V .

Qualiter Petrus Urseolus est primo Dux factus, & postmodum sit conversus. 14

C A P . VI .

Qualiter s. Romualdus uno anno de pugillo ciceris per diem, & tribus annis de sua agrigultura vixit. 17

C A P . VII .

De diversa pugna diaboli, quam substinuit. 18

CAP.

I N D E X
CAP. VIII.

*Unum genus vitæ S. Romualdi : & de
penitentia Petri Ducis , & prophe-
tia eius .* 20

CAP. IX.

Aliud vivendi genus S. Romualdi. 21

CAP. X.

*De Comite , qui vaccam rapuit ; & eam
comedendo , necatus est .* 24

CAP. XI.

De Olibano conversionē promittente. 25

CAP. XII.

De Sergio ad saculū reverti volente, 27

CAP. XIII.

*De prudentia S. Romualdi , & labore
itineris , & disciplina iu Patrem.* 28

CAP. XIV.

*Quomodo Sergius vidit Spiritum San-
ctum .* 29

CAP. XV.

*De crure Ioannis propter inobedientiam
fractō .* 31

CAP. XVI.

De S. Romualdo à demonibus percusso. 33

CAP. XVII.

*De iniquis spiritibus , qui sibi velut diræ
volucres apparebant .* 35

CAP. XVIII.

*De monachis S. Romualdum verberanti-
bus .*

I N D E X

bys , & divina ira percussis . 36

C A P. XIX.

De Iussione sancti Apollinaris ad S. Romualdum . 39

C A P. XX.

De habitatione eius in Origario . 40

C A P. XXI.

De cella incensa , & per orationem extincta . 40

C A P. XXII.

De Rege hospite S. Romualdi , & quia Abbatiam suscepit . 41

C A P. XXIII.

De Abbatia dimissa: & pace inter Regem , & Tiburtes facta . 43

C A P. XXIV.

De Sancto Venerio . 44

C A P. XXV.

De Tamo , & Religione Regis Ottonis . 47

C A P. XXVI.

Quod S. Romualdus apud Casinum agrotavit deinde ad Pereum venit . 49

C A P. XXVII.

De S. Bonifacio Martyre . 50

C A P. XXVIII.

De S. S. Ioanne , & Benedicto Martyribus . 57

CAP.

I N D E X
C A P: XXIX.

De Monacho per Angelum de carcere liberato. 61

C A P. XXX.

De Monasterio sancti Aldeberti constructo , & prophetia S. Romualdi adversus Regem prolata . 62

C A P. XXXI.

Ubi gratia perfectionis S. Romualdi divinitus est concessa . 64

C A P. XXXII.

De prophetia S. Romualdi , qua discipulorum prænunciavit advenum . 66

C A P. XXXIII.

De reditu ejus à Parentio , & nautis ejus meritis de periculo liberatis . 67

C A P. XXXI . .

De adventu S. Romualdi in Bisurcum . 71

C A P. XXXV.

De adventu ejusdem ad Vallem de Castro, & multo animarum fructu per eum facto . 72

C A P. XXXVI.

De fure , quem frangentem cellam Gregorii per spiritum vidit , & illesum dimisit . 75

C A P. XXXVII.

De Monasterio Urbis veteris, quod construxit . 77. CAP.

I N D E X

C A P. XXXVIII.

De filio Comitis, qui cecum post mortem illuminavit. 77.

C A P. XXXIX.

De tribus Monasteriis, quæ S. Romualdus construxit, & de professione ejus in Ungariam. 79

C A P. XL.

De Rainerio Marchione. 82

C A P. XLI.

De Abbate Classis qui S. Romualdum voluit strangulare. 83

C A P. XLII.

De itu, & reditu rursus à Parentio. 84

C A P. XLIII.

De miraculo latronis in monte Petrano facto. 85

C A P. XLIV.

Item miraculum de aliis latronibus. 86

C A P. XLV.

Quare, & quomodo S. Romualdus ejus est de Valle de Castro. 87

C A P. XLVI.

De miraculo, quod fecit in Aqua bella, curans Præshyterum. 88

C A P. XLVII.

Item miraculum de Fago prope cellam, ejus incisa. 90

CAP.

I N D E X

C A P. XLVIII.

De illicè lapsa super rusticum , & cum non lædente . 91

C A P. XLIX.

De contumelia , quam passus est à suis discipulis in Sytria . 92

C A P. L.

De divina Jussione ad S. Romualdum, ut Missam celebraret , & Psalmos exponeret . 95

C A P. LI.

De anima S. Romualdi , quæ delata est ante Deum , candida velut nix . 96

C A P. LII.

De nimia distributione vitæ , quam in Sytria tenuit . 97

C A P. LIII.

De miraculo , quo Gregorium insufflando sanavit . 99

C A P. LIV.

De insano , quem osculo curavit . 100

C A P. LV.

Item de Gregorio , quem de gravi morbo aqua frigida liberavit . 101

C A P. LVI.

De discipulo , quem Romam euntem per spiritum cognovit , & de illo , qui sibi derogans reclusorium fregit . 102

CAP.

I N D E X.

C A P. LVII.

*De Gaudentio, & Berardo, & monacho
sanato.* 103

C A P. LVIII.

*De discipulo in lecto S. Romualdi à de-
monibus verberato.* 106

C A P. LIX.

*De muliere in amentiam versa, & S.
Romualdi benedictione sanata.* 108

C A P. LX.

De Dæmoniaco ab eo curato. 109

C A P. LXI.

*De diabolo, qui S. Romualdo mortem
minatus, cellæ parietem fregit.* 110

C A P. LXII.

*Item de diabolo, qui exterrens equum, S.
Romualdum mergere voluit.* 111

C A P. LXIII.

*Item de diabolo, qui orta inter discipu-
los S. Romualdi discordia, vegetem per-
cutiebat.* 112

C A P. LXIV.

*De disstructa vita, quæ tunc in Sytria
ducebatur.* 113

C A P. LXV.

*De prophetia S. Romualdi, & colloquio
ejus cum Henrico Rege.* 115

CAP.

I N D E X
C A P. LXVI.

*De monacho, quem diabolus strangulare
cœpit, sed S. Romualdus eripuit.* 117

C A P. LXVII.

*De S. Romualdo, qui circumclusus aquis,
cibum sibi deferendum cœlitus agno-
vit.* 118

C A P. LXVIII.

*De Pisce, qui inventus est in arenti rivo
meritis S. Romualdi.* 120

C A P. L X I X.

De transitu S. Romualdi. 121

C A P. L X X.

*De demoniaco per particulam cilcii eius
sanato.* 124

C A P. L X X I.

*De villico, qui vaccam rapuit, & sta-
tim extinctus est.* 125

C A P. L X X I I.

*De Corpore S. Romualdi sano post quin-
quennium invento.* 126


*Quedam, quæ ad vitam S. Patris Ro-
mualdi spectant ab eodem Divo Petro
Damiani sparsim descripta.* 128

S. Romual. modestia, atque prudētia. 128

*S. Romualdi consilium, ut sobrietatem
serviemus, & hypocrisim fugiamus* 129

*Ordo persolvendi Psalterium pro vivis à
S. Romualdo institutus.* 129

S. Romualdi disciplinæ discretio. 131



V I T Æ

S. ROMUALDI
ABB. ET CONF.

PROLOGVS.



DVERSUM te prorsus,
immunde Munde, con-
querimur, quia habes
intollerabilem stultorum
sapientium turbam tibi
facundam, Deo mutam.

Habes, qui per vanam eloquentiam,
& inanem Philosophiam se sciunt in su-
perbiæ cornibus arroganter extollere:
non habes qui pro futurorū aliquid edi-
ficationi proximorum, ad posterorum
velit memoriam schedulis annotare.
Habes, inquam, qui in pratorijs Ju-
dicum negotiorum sæcularium lites, &
causarum jurgia continuis valeant de-
clamationibus perorare: non autem ha-
bes, qui possit in sancta Ecclesia, vel

A

vnus

vnus Sanctorum virtutes , & clari gesta describere. Sapientes siquidem sunt, ut faciant mala, bona autem facere nesciunt. Ecce enim tria jam ferè lustra transacta sunt , ex quo Beatus Romualdus deposito carnis onere ad ætherea Regna migravit , & nemo adhuc ex huiusmodi sapientibus extitit , qui de tot mirabilis vitæ eius præconijs pauca saltem historico stylo digereret , & avidissimæ devotioni fidelium satisfaciens , ad comunem utilitatem recitanda , Legivo sanctę Ecclesię tradidisset. Nobis autem in angusto cellulæ angulo residentibus , utiliùs erat , sicut proposuimus , propria peccata ad mentis oculos assiduè revocare , quàm alienæ virtutis historiam texere ; magis expedire commissi reatus tenebras plāgere , quàm splendida sanctitatis insignia imperitis sermonibus offuscare . Veruntamen cum ad sepulcrum ejus ex longinquis terrarum partibus toto anno maximè quæ in ejus festiuitate fidelium multitudo conveniat, miracula per eum diuinitus facta conspiciat ; audire vitæ ejus historiam desiderabiliter quærat , sed utpotè quæ non sit , audire non val eat ; non irrationabiliter per-

ci-

S. ROMUALDI. 3

timescimus , ne celeberrima eius fama,
 quæ adhuc populi totius ore depromi-
 tur , labente curriculo temporum , de
 memoria hominum penitus deleatur ,
 Quapropter hoc timore compulsus ,
 multorumque fratrum precipibus , &
 germana charitate devinctus , quod de
 prædicto mirabili Viro ab egregijs eius
 discipulis didici , aggrediar , Deo au-
 ctore , describere : vitæque eius ini-
 tium , & finem, nimirum imperitus ho-
 mo , non historiam texens , sed quod-
 dam quasi breve commonitorium faci-
 ens, quibuscumque tentabo litterarum
 apicibus exarare . Hoc autem unum in
 primis lectorem meum nosse desidero,
 quia non multa per eum facta miracula
 in hac ego descriptiuncula colligam ,
 sed potius quod ad ædificationem omni-
 modis attinet , conversationis eius or-
 dinem referre contendam . Beatus si-
 quidem Vir in tantum se humilitatis
 tegmine à vento vanæ gloriæ custodivit,
 quod undecumque humanis oculis vi-
 deri mirabilis potuit , studiosissima oc-
 cultatione suppressit. Quæ tamen mira-
 cula etiamsi minimè fecisset, mirabilem
 vitam ducens , minori veneratione di-
 gnus non esset, Neque enim Precursor

Domini fecisse miracula legitur; quo maiorem nullum inter natos mulierum surrexisse, Veritas ipsa testatur. Nonnulli enim Deo se deferre existimant, si in extollendis Sanctorum virtutibus mendacium fingant. Hi nimirum ignorantes Deum nostro non egere mendacio, relicta veritate, quæ ipse est, falsitatis ei putant se placere posse commento. Quos bene Hieremias redarguit, dicens: Docuerunt linguas suas loqui mendacium, ut iniquè agerent, laboraverunt. Qui enim ultrò oblatam simplicem veritatem referre facile poterant in componendis, quæ nesciunt, calso labore desudant: & quò se pro Deo stare, quasi adjuutores, autumant, eò, ut re vera falsi testes contra Deum pertinaciter pugnant; Apostolo Corinthijs attestante, qui ait: Si Christus non resurrexit, inanis est prædictio nostra, inanis est Fides vestra: deinde subiungit: Iovenimur falsi testes Dei, quoniam diximus testimonium adversus Deum, qui suscitavit Christum, quem non suscitaverit. Sed quia necessitate ad scribendum coacti, velut commoti ista præmissimus, iam precibus eius, de quo loquimur, Deo opitulante, ad narrationis ordinem veniamus. Vi-



V I T A

S. ROMUALDI

ABB. ET CONF.

Causa conversionis S. Romualdi.

C A P. I.



ROMUALDUS igitur Ravennæ civitatis oriundus, ex illustrissima Ducum fuit stirpe progenitus. Qui cum jam in adolescentiam pervenisset, cœpit in peccato carnis proclivis existere: quo videlicet vitio illa ætas impugnare homines præsertim divities, vehementius solet. Mente tamen Deo devotus, frequenter se tentabat erigere, facturumque se magnum aliquid proponebat. Nam & si quando se ad ludium vœnationis accingeret, ubicumque per silvas amenum locum repe-

A 3

rire

rire poterat, mōx se ad eremi desiderium eius animus accendebat, dicens intra se: O quā bene poterant Eremitæ in his nemorum recessibus habitare! quam congrue possent hic ab omni sæcularis strepitus perturbatione quiescere? Et ita mens ejus cælitus inspirata, jam divinabatur in amore, quod impleturus erat postmodum opere.

Huic erat pater, nomine Sergius, mundo vehementer intentus, & omnino sæcularibus negociis implicatus. Qui dum adversus quemdam propinquum suum exortis simulatibus pro possessione prati inimicitias exerceret, videns filium suum Romualdum in contentione mollescere, crimenque fratricidii medullitus formidare, minari cœpit exhæredem facere, si in eadem diutiùs sententia permaneret. Quid plura? Tandem utræque inimicantium partes ex Urbe ad litis materiam prouunt, arma corripunt, bellum sociale committunt: & dum cominus hinc indè pugnatur, repente manu Sergii inimicus, & affinis occiditur. Romualdus autem licet nullum perempto vulnus inflexerit, quia tamen interfuit,

S. ROMUALDI. 7

pœnitentiam tanti reatus accepit, mœx-
que ad Classense monasterium B. Apol-
linaris, more homicidarum diebus qua-
draginta permansurus in luctibus pro-
peravit.

*Ipsa conversio, & quia corpus B. Apol-
linaris sine dubio in Classensi
monasterio iaceat.*

C A P. II.

Illic autem districta se pœnitentia ju-
giter macerans, cœpit cum quodam
Converso quotidianum habere collo-
quium, à quo etiam juxta mediocrita-
tem sensus, bonæ exhortationis audie-
bat sæpè consilium. Quem cum Con-
versus frequentèr admoneret, sæcula-
rem vitam omninò postponere, & ad
sanctæ conversationis ordinem festina-
re, sed ad hoc mentem eius humiliare
nullatenus posset, aliquandò inter ce-
tera velut gratulabundus intulit, di-
cens: Si tibi, inquit, ego B. Apolli-
narem corporali specie, ita ut eum
manifestè videre possis, ostendero,
quid à te præmij reportabo? Ad hæc
Romualdus, firma, inquit, & invio-

labili me obligatione constringo , quia
 mōx , ut beatum Martyrem videro ,
 apud sæculum ulteriùs non manebo .
 Hortatur ergo , Conversus , ut ipsa
 nocte Romualdus dormire postpone-
 ret , & unà secum intra Ecclesiam in
 orationibus vigilaret . Cumque no-
 cturno silentio longaminitèr ambo in
 oratione persisterent , eccò circa gal-
 licinium noctis B. Apollinaris , his
 duobus manifestè videntibus , exiit
 de sub altari , quod in medio Ecclesiæ
 ad honorem Beatæ Virginis Mariæ cer-
 nitur esse constructum . Visus est au-
 tem exire ab orientali parte , illinc vi-
 delicèt , ubi marmor porphyreticum
 jacet . Confestim verò tantus splendor
 totam replevit Ecclesiam , ac si Sol ful-
 goris sui radios intra ipsos parietes co-
 hiberet . Tunc Beatissimus Martyr sa-
 cerdotalibus insulis mirabiliter exor-
 natus , aureum in manu portans thuri-
 bulum , cuncta Ecclesiæ incensavit al-
 taria , & hoc factò , statim undè exie-
 rat , rediit , & mōx omnis ille splendor
 eum prosequens , apparere cessavit .

Cœpit itaque Conversus Romualdo
 durus nimirum exactor vehementèr
 insistere , & ut impleret , quod ultro

pro-

S. ROMUALDI 9

promiserat, anxie postulare. Cumque Romualdus adhuc resisteret, & eandem visionem cernere denuo flagitaret, alia nocte similiter in oratione perfistunt, & Beatum Martyrem per omnia, sicut prius, aspiciunt. Unde etiam postmodum si de corpore predicti Martyris aliquando questio oriretur, Romualdus penitus affirmabat in ipsa Ecclesia esse reconditum: & quamdiu Vir sanctus vixit, hoc proferre testimonium non cessavit.

Habeat quoque Romualdus consuetudinem ante precipuum altare Ecclesie orationi frequenter incumbere, ibique postquam fratres abscederent, multis Deum satagebat gemitibus exorare. Dumque hoc quadam die post visionem attentius faceret, tanto mox divini amoris igne mentem illius Spiritus sanctus accendit, ut in fletum repente proromperet, uberes lacrymarum rivos restringere non valeret, Monachorum se pedibus prostratus advolveret, tradi sibi monachicum habitum inenarrabili desiderio flagitaret. Monachi vero dum Patris ejus duritiam metuunt, conversioni illius adiutum pandere non presumunt. Hone-

stus autem, qui tunc Ravennæ Archiepiscopalem cathedram obtinebat, olim Classensis coenobii Abbas extiterat. Hunc ergo Romualdus impiger adiit, eique omne sui cordis desiderium patefecit. Qui alacer factus castæ concupiscentiæ exhortationis stimulos addidit, fratribusque ut eum suo collegio incunctanter asciscerent, imperavit. Hujus itaque patrocinio Coenobitæ suffulti, Romualdum intrepida securitate suscipiunt, eique sanctæ conversationis habitum tradunt. In eo igitur Monasterio triennium ferè transegit.

Quomodo Monachi correpti S. Romualdum de Solario precipitare voluerunt.

C A P. III.

SEd cum ibi cerneret nonnullos per lata gradientes remissiùs vivere, sibi autem arduam perfectionis semitam, quam mens dictabat, arripere non licere; quid sibi agendum esset, sollicitè in semetipso cœpit inquirere, multisque cogebatur cogitationum fluctibus æstuarè. Præsumebat autem levitè

S. ROMUALDI. II

conversantium vitam durè corripere .
 & sæpè ad eorum confusionem præce-
 pta Regulæ in testimonium convocare.
 Cùmque in redarguendis eorum vitijs
 vehementèr , insisteret : illi autem ju-
 nioris , & novitij verba pro nihilo de-
 putarent, tandem hoc opprobrium non
 ferentes , dum propriam emandare vi-
 tam despiciunt , de corripientis morte
 tractare cœperunt . Solebat deniquè
 Romualdus per noctem ceteris fratri-
 bus maturiùs surgere , & si oratorij ad-
 huc janua clausa esset intra ipsum dor-
 mitorium in orationibus excubare. Erat
 autem prædictum ædificium more sola-
 rii alte ædificatum . Hoc itaque inve-
 nerunt filij Cain, djabolo dictante, con-
 silium , ut dùm Romualdus antè alios
 solito more confurgeret , ipsi eum per
 solarii speculum , verso deorsum capi-
 te , in terram præcipitarent . Quæ res
 postquam Romualdo per conscium con-
 spirationis innotuit , ille jam de ceterò
 intra cordis cubiculum clauso oris ostio
 orans Patrem suum , immines pericu-
 lum devitavit . Hoc itaque modo dum
 sibi cavit præcipitium corporis , fra-
 tribus , ne in animarum mortem cor-
 ruerent , barathrum clausit iniquitatis.

Quomodo S. Ramualdus se ad Eremum contulit .

C A P. IV .

CUmque in ejus animo perfectionis amor magis , ac magis in dies cresceret , nullamque mens eius requiem inveniret , audivit , quia in Vætiarum partibus quidam spiritualis vir esset , Marinus nomine , qui eremiticam duceret vitâ . Consensu itaque ab Abbate , & fratribus nimirum facillimè impetrato , ad prædictum venerabilem virum navigio discurrente pervenit, & sub illius regimine degere humillima mentis devotione instituit. Erat autem Marinus inter ceteras virtutes , vir simplicis animi , & sincerissimæ admodum puritatis , nullo quidem magisterio eremiticæ conversationis edoctus sed ad hanc solummodo bonæ voluntatis impulsu fuerat incitatus . Porro autem hunc vivendi morem habebat , ut per continuum anni circulum tribus in hebdomada feriis mediam panis buccellam , & pugillum fabæ gustaret: tribus vero vinum & pulmentum discreta
se-

S. ROMUALDI. 13

sobrietate perciperet . Psalterium quidem per dies singulos totum canebat . Sed nimirum rudis , & nullatenus ordine vitæ singularis instructus . sicut ipse postmodum B. Romualdus hilariter referebat , plerumque de cella exiens , unâ cum discipulo passim per latitudinem eremi psallendo spatiabatur , nunc sub ista arbore vicenos , nunc sub illa tricenos , vel quadragenos concinens psalmos . Romualdus autem quia sæculum idiota reliquerat , aperto Psalterio , vix suorum versuum notas syllabatim explicare valebat : & hæc oculorum in ima defixio intolerabilem sibi importunitatem accidiæ generabat . Marinus vero virgam in dextera gerens , Romualdo è diverso sedenti sinistram capitis partem sæpissimè verberabat . Post multa autem Romualdus gravi admodum necessitate compulsus , humiliter ait : Magister , si placet , à dextro me deinceps tempore percute , quia jam lævæ auris auditum funditus perdo . Tunc ille tantam eius patientiam admiratus , in discretæ severitatis temperat disciplinam .

*Qualiter Petrus Urseolus est primo Eun-
factus , & postmodum sit conversus .*

C A P. V.

Eodem vero tempore Petrus , co-
gnomine Urseolus. Dalmatici Du-
catus gubernabat habenas . Qui videli-
cèt ad huius fastigium dignitatis ascen-
dere iccirco meruerat , quia decessoris
sui , Vitalis scilicet Candiani , perem-
ptoribus fautor extiterat . Cur autem
ille à suis extinctus sit , non àb re esse
arbitror , si servatæ compendio brevi-
tatis exponam . In coniugium namque
Germanam Ugonis magni illius Mar-
chionis acceperat , & æmulatione Le-
uiri suadente , multos ex Longobardiæ,
& Tulciarum partibus milites , profli-
gatis pecuniarum stipendijs , acquire-
bat . Hoc autem Venetiarum incolæ
non ferentes , clam iniere consilium ,
ut repentino impetu Ducis palatium ar-
mati violentèr irrumperent , eumque
cum omni domo sua in ore gladij àb-
sque vlla retractatione necarent . Huius
denique Conventiculæ conjuratione
comperta , Vitalis dux , noncturnis,
diurnisque vallatus excubiis , hostiles

in-

S. ROMUALDI. 15

insidias ad nihilum redigebat. Illis autem hæc, & illa tentantibus, sed ad inceptæ factionis effectum attingere, non valentibus, tandem visum est, ut domum Petri, quæ Ducis palatio adiacebat contingua, prius incenderent: istoque modo, & Ducem caperent, & universa eius domestica concremarent. Istius vero rei experiendæ consensum à Petro, qui eorum consilij particeps fuerat, flagitantes, huius tandem mercedis foedere pacti sunt, ut pro una eius domo, quam igne consumerent, totam ditioni illius Venetiam subderet, & deleto illo, quem exosum habebant, Ducem hunc loco eius protinùs subrogarent. Hoc igitur modo Petrus Dalmatici Regni adeptus est Principatum, qui postmodum ambitionis suæ jam voluptate potitus, respectu divinæ gratiæ demùm corde compunctus est.

Quidam autem venerabilis Abbas, Guarinus nomine, ex ulterioris Galliæ finibus orationis gratia per diversas mundi rationes peregrinari solitus erat. Hic quoque ad Ducem veniens, ab eo protinùs, ut sibi ad evadendum tanti reatus periculum, consultum, præberet, exactus est, Accersitis igitur

tur Marino, & Romualdo, hoc sibi communi iubetur sententia; ut sæculum simul cum ipso, quem per nefas invaserat, Ducatum, relinqueret: & quia ad alienæ dominationis arcem injustè proruperat, ipse se alienæ potestatis dominio subjugaret. Ille autem homo nimirum in potestate positus, quia conversionem suam manifestè facere ausus non est, tutum putavit hoc utendum esse consilio. Imminente igitur festivitate sancti cujusdam Martyris, ex cujus vocabulo Basilicam in propria possessione adhuc privatus habuerat, illuc pridie Uxorem suam, præmisit, ipse quasi mox secuturus; hoc ei præcipiens, ut & ornatum Ecclesiæ accuratissimum provideret, & secum venientibus sumptuosas epularum delicias in crastinum præpararet. Ipse autem post conjugem remanens, his de suis thesauris, quæ sibi videbantur, ablati, cum quodam suo famulari, Joanne scilicet Grandenico, qui præfatæ conjurationis conscius fuerat, & cum tribus illis beatis Viris quos præposuimus, navem ascendit, deinde in Galliam ad Monasterium Abbatis Guarini magnus conversus aufugit, Petro igitur

S. ROMUALDI. 17

tur , & Joanne monachis in S. Michaelis coenobio factis ; Marinus , & Romualdus non longè à Monasterio degentes , ad singularem vitam , cui assueti fuerant , revertuntur . Quibus etiam ipsi jam dicti fratres , peracto vix annuo spatio , ad perferendam ejusdem solitudinis distractionem aggregati sunt.

Qualiter s. Romualdus uno anno de pugillo ciceris per diem, & tribus annis de sua agrigultura vixit .

C A P. V I.

INterea Romualdus , accenso mentis desiderio , coepit de virtutibus in virtutes mirabiliter crescere , & reliquos fratres sanctæ conversationis gressibus longiùs anteire : ut , jam quidquid inter fratres sive de spiritualibus, sive etiam de corporalibus ipse decerneret, cunctis volentibus , ejus omninò sententia prævaleret . Ipse quoque Marinus gaudebat Romualdo esse devotus , cui nupèr fuerat ipse prælatus . Per continuum quippè annum Romualdus nihil aliud in cibum habuit , nisi tantum per singulos dies ex uno pugillo

lo elixi ciceris vixit. Tribus verò annis ipse, & Joannes Grandenicus sarculis terram frangentes, & triticum, feminantes, ex manuum suarum labore vixerunt. Qui nimirum dum agrigulturam exercebant, pondus jejunii duplicabant.

*De diversa pugna diaboli, quam
substinuit.*

C A P. V I I.

IMpugnabat tamen diabolus Romualdum multis, & variis tentationum immissionibus, maximè initio conversionis, mentemque ejus per multa vitiorum incentiva raptabat, modò illi in memoriam revocans quæ, & quanta, ut puta vir strenuus, in sæculo acquire potuit; modò quæ ingratis propiis nec dum post se concupiscibiliter hæreditanda reliquit; modò parva nimis, & nullius meriti esse, quæ faceret, accusabat; modò tanti laboris horrorem incutiens, longæ vitæ spatium promittebat. O quam sæpè cellulam ejus percutiens, eum, cum adhuc vix obdormisceret, excitavit, & quasi jam
jam

S. ROMUALDI. 19

jam imminente crepusculo , per totam noctem vigilando deduxit ! Per continuum fermè quinquennium , super pedes eius , & crura diabolus nocturno tempore jacuit : & ne hūc , illūcque se facile verteret , typo phantastici ponderis aggravavit . Quis explicare valeat , quot frementes vitiorum bestias pertulit ? Quam sæpè presentes iniquos spiritus durissimis increpationibus effugavit ? Unde etiam si fratrum aliquis silentii tempore cellam , ejus quavis necessitate compulsus adiret , statim miles Christi paratus ad prælium , solito more , ipsum esse existimans diabolum , claris vocibus increpabat , dicens : Quò tendis modò turpissime ? quid tibi in eremo de cælo deiecte ? Recede canis immunde , evanesce coluber veternose . His igitur , & hujusmodi verbis declarabat se cum malignis spiritibus in acie semper assistere , & Fidei se armis accinctum , provocantibus hostibus in campum protinùs obviare .

*Unum genus vite S. Romualdi : & de
penitentia Petri Ducis, & prophe-
tia eius.*

C A P. VIII.

Contigit autem, ut aliquandò li-
brum de vita Patrum legens, in
illum locum incideret, ubi continetur,
quod quidam fratres per continuam
hebdomadam singulariter jejunantes,
sabbatorum die pariter convenirent;
ipsoque & Dominico die jejunii rigorem
interponerent, & remissius victitarent.
Quem vivendi ordinem statim Romual-
dus arripuit, & in eo quindecim ferè
annis, vel eo ampliùs continua auste-
ritate permansit. Petrus autem Dux,
quia multis educari delicijs solitus fue-
rat, jam jam sub tam districti jejunii
pondere succumbebat. Unde se ad pe-
des B. Romualdi humiliter stravit.
Jussus verò ut surgeret, necessitatem
suam cum verecundia coactus aperuit.
Pater, inquit, quia magnum corpus
habeo pro peccatis meis, ex hac paxi-
matij medietate sustentare me non pos-
sum. Romualdus igitur fragilitati piè
com-

S: ROMUALDI. 21

compatiens , consuetae mensurae quadram paximati superaddidit , & sic labenti jam , ne omnino deficeret , misericordiae manum tendit , & ad peragendum bene vivendi iter , quod coeperat , confirmavit . Hunc filius eius sibi aequivocus , vir valde secundum seculum prudens , aliquando visitavit . Cui Pater nescio utrum prophetiae spiritu , seu revelatione aliqua , quaecumque sibi essent eventura predixit . Novi , inquit , fili mi , proculdubio , quia Duce[m] te constituent , & prosperaberis . Tu tantummodo satage , ut & Ecclesiis Christi sua jura conserves , & erga subditos alicujus amore , vel odio a justitia non declines .

Aliud vivendi genus S. Romualdi .

C A P. I X.

Post haec autem Romualdus iterum legens , quia sanctus Silvester Urbis Romae Episcopus sabbatorum diem jejunandum esse , ut revera sancti Paschatis vigilias instituerit , mox remissionem sabbati in quintam feriam commutavit , & sic infirmorum imbecillitati

eati consulens, longum jejunium discretionē habita facilius reddit, hanc nimirum vivendi regulam cunctis sectatoribus singularis vitæ præfigens, ut tunc se unusquisque eremiticæ vitæ jejunium tenere cognoscat, si per hebdomadam triduans, & biduanas jejunando, quinta feria, & Dominicis diebus olea, vel quodcumque liquamen cum gratiarum actione percipiat, exceptis videlicet duabus anni Quadragesimis, in quibus non solum ipse, sed & plerique sui discipuli totius hebdomadæ soliti erant continuare jejunium. Et certe satis congruum erat, ut qui Deum in choro laudare semper studebat, & tympano, præcipuas modulationis armonicæ consonantias, diapason videlicet, & diapente, atque diatasseron jugiter in aures incircumscripti luminis personaret. Jejunare autem omnino, hoc est, diem absque ullo cibo transigere, licet ipse sæpissimè fecerit, alijs omnimodò prohibebat. Dicebat enim ad perfectionem tendenti hoc ad summè congruere, ut quotidie comedat, & semper esuriant, quatenus hoc caro per consuetudinem leviget, quod grave novitijs initio conversionis apparet.

Parvipendebat autem si quis ad tempus magnum quid inciperet, si non etiam in eo longanimitèr perseveraret.

Vigilias temperatè, & cum magna discretione faciendas maximè suadebat nè cui fortassè contingeret, ut sopori, peractis nocturnis officijs, consentiret. Sanè hujusmodi somnum Vir sanctus in tantum habebat exosum, ut si quis ei confiteretur, post duodecim psalmorum vigilas, vel maximè circa diluculum obdormisse, nequaquam posset eo die cum eius licentia sacra Missarum solennia celebrare. Dicebat etiam meliùs esse, si possibile sit, unum psalmum ex corde, & cum compunctiõne cantare: quam centum cum mentis fabulatione percurrere. Cui autem hæc gratia perfectè data non esset, hortabatur tamen, nequaquam desperare, nequaquam vel ab ipsa corporali exercitatione repescere, donèc ipse, qui voluntatem dedit, tribuat etiam aliquandò facultatem. Tantummodò orationis incensum mentis intentio in Deum semèl fixa custodiat, quod exterius veniens cogitationum, aura perturbat. Ubi enim est intentio recta, contra voluntatem cogitatio veniens non est nimium formidanda.

De

*De Comite , qui vaccam rapuit ; &
eam comedendo , necatus est .*

C A P. X.

QUodam vero tempore , dum adhuc in Gallicæ finibus moraretur , familiarem sibi quemdam habebat agricolam , qui sibi , & utensilia , quibus in cella opus est , aliquandò faciebat , & quid ei opportunum esset , ditior charitate , quam rebus , de suæ paupertatis inopia hilaritèr ministrabat . Huius vaccam Comes quidam superbus , & tumidus missis parasitis , impetu barbarico rapuit , ejusque carnes præparari sibi ad prandium cum magna gulæ aviditate præcepit . Eccè autem rusticus , cellam Romualdi festinus aggreditur , jacturæ suæ casum clamoris ululatus vociferatur , spem suam , & suæ domus ablata esse conqueritur . Sanctus itaque Romualdus ad eundem Comitem concito gradu nuncium dirigit , & ut pauperi animal suum reddat , humillima supplicatione deposcit . Cujus preces lubricus Comes protervo spiritu respuit , & quem saporem crasse vaccæ lumbi potuissent habere , quia ipso die
esset

S. ROMUALDI. 25

esset gustaturus, afferuit. Adveniente autem hora prandij, apposita mensa vaccæ carnes allatæ sunt: & divinæ vitionis jam imminente sententia, in ipso edendi initio Comes frustum bovini renis abscidens, sibi in os misit. Quod repentè in illius gutture tam immobilitèr hæsit, ut nèc ad interiora descendere, nèc foras eijci, ullis conatibus potuisset. sicque inter suorum manus, intercluso spiraminis aditu, terribili mortè necatus est: & undè contra Dei seruum concupiscentiam carnis explere ad saturitatem voluit; indè iusto Dei iudicio carnalem vitam adhuc jejunos amisit.

De Olibano conversionem promittente.

C A P. X I.

Alius quidam Comes, Olibanus nomine, in eisdem Galliarum partibus erat, sub cuius jure Monasterium quoquè prædicti Guarini Abbatis fuerat positum. Qui sublimi quiddè culmine terrenæ potestatis erectus, sed multis erat peccatorum molibus aggravatus. Hic aliquandò Ro-

B

mual.

multum gratia visitationis adiit, & ceteris extra cellulam manentibus, solus cum solo gestorum suorum seriem narrare quasi per confessionem coepit. Cui Vir venerabilis, his, quæ ab eo referebantur, auditis, respondit, aliter eum salvari minimè posse, nisi mundum relinquens, ad Monasterium convolaret. Comes autem mox mente turbata, ait: quia videlicet sui spirituales viri, qui ejus acta cognoscerent, nequaquam ita sentirent, neque tam intolerabilem rem sibi aliquando suaderent. Ascitis itaque Episcopis, & Abbatibus, qui secum venerant, coepit in commune perquirere, si ita res sicut Dei servus testabatur, se haberet. Illi autem B. Romueldi sententiam omnes una voce confirmant, se autem id Comiti eatenus non dixisse, terrore constrictos excusant. Tunc Comes, semotis omnibus, hoc cum B. Romualdo secreto valdè consilio pepigit, ut ad Casinum montem sub prætextu orationis pergeret, & in Monasterio S. Benedicti divino se servitio irrevocabiliter manciparet.

De Sergio ad saculum reverti volente.

C A P. XII.

INtereà Sergius Pater Romualdi monachus efficitur, sed aliquantò post suadente Diabolo factæ conversionis penitens, in Ægyptum redire conatur. Quod protinùs Monachi, Coenobij videlicet sancti Severi, quod non longiùs ab Urbe Ravennæ est positum, ubi corpore, non corde Sergius habitabat, B. Romualdo indicare per nuncium studuerunt. Hac ille sinistra relatione percussus, necessarium esse decrevit, ut Guarinus Abbas, & Ioannes Grandenicus unà cum Comite ad eius conversationem pergerent, ipse verò pereun-
ti Patri quantocyùs subveniret. Petrus autem Dux extremum jam diem feliciter clauserat. His itaque duobus Comitem in eorum fide commisit, utrique quidem, sed Joanni præcipuè, qui ei subditus erat, per obedientiam specialitèr mandans, ut etiam si Guarinus abscederet, ipse se numquàm à Comite separaret.

*De prudentia S. Romualdi, & labore
itineris, & disciplina iu Patrem.*

C A P. XIII.

AUdientes autem illius Regionis
Incolæ, quia Romualdus abire
disponeret, nimio mærore turbati sunt.
Et tractantes intrâ se qualiter ab hac il-
lum intentione reprimerent, hoc illis
tandem potissimum visum est, ut eum
missis interfectoris, impia pietate
perimerent, quatenus quia eum non
poterant retinere viventem, haberent
prò patrocínio terræ, vel cadaver ex-
anime. His verò cognitis Romualdus
caput suum undique decalvavit, & hu-
jus rei executoribus cellulæ ejus jam
appropinquantibus, primò ferè dilucu-
lo comedere quasi per aviditatem cœ-
pit. Illi autem hoc videntes, demen-
tiam credidere, & arbitantes mentem
læsam esse, corpus ledere dedignati sunt.
Sic videlicet, sic prudens spiritualis
David insania stultam carnaliter sapieu-
tiam superavit astutiam. Nàm & volen-
tes peccare cohibuit, & ad meritum
suorum cumulum sinè mortis formidine,
mor-

S. ROMUALDI. 29

mortis periculum declinavit . Deindè jam libera vti facultate permissus , non equo fultus , non vheiculo deportatus , sed solum in manu ferens baculum , nudis plantis ex intimis Galliarum finibus Ravennam usquè pervenit , ibiquè patrem ad sæculum reverti volentem reperiens , in ligno pedes ejus fortiter strinxit , gravibus eum vinculis alligavit , verberibus duris afflixit , & tandiù corpus ejus pia severitate perdormuit , donèc ejus mentem ad salutis statum , Deo medente , reduxit .

Quomodo Sergius vidit Spiritum Sanctum .

CAP. XIV.

Sergius igitur tandem sanæ mentis recepto consilio , quidquid prius retrograda voluntate deliquit , multipliciter , postmodum rectis sanctæ conversationis gressibus emendavit . Habebat deniquè inter cetera consuetudinem antè quamdam Salvatoris imaginem frequentèr assistere , ibique peculiariùs orans , uberiùs lacrymis , & multa se cordis contritione mactare .

B 3

Qua.

Quadam igitur die dum ibi attentius in oratione persisteret (nova res , & nostris temporibus inaudita) repente sibi , nescio qua specie , Spiritus sanctus apparuit . Qui protinus à Sergio quis esset interrogatus , manifestè , quia ipse esset Spiritus Sanctus , asseruit , & subito quasi pertransiens , ab oculis se aspicientis evasit . Statim ille in extasim raptus , atque ejus , quem viderat , igne succensus coepit per claustrum Monasterii post eum velociter currere , fratresque qui illuc aderant , magno fervoris impetu , quò Spiritu Sanctus abiisset , interrogare . Illis autem in insaniam eum cecidisse putantibus , atque illum durè corripientibus , assererat Sergius se Spiritum Sanctum absque ulla dubietate vidisse , & antè suum conspectum visibiliter pertransisse . Qui statim languore correptus , lecto decubuit , & intra paucos dies felici consummatione finivit . Hinc sanè probatur , quod divina voce , ad Moysen dicitur : Non enim videbit me homo , & vivet . Hinc Daniel cum non Deum , sed visionem Dei se conspexisse diceret , addidit : Elangui , & ægrotavi per dies plurimos . Rectè igitur Ser-
gius

gius postquam æternam vitam , quæ
Deus est , cernere meruit , à temporali
mòx vita defecit .

*De crure Ioannis propter inobedientiam
fratris.*

C A P. X V.

O Libanus autem Comes sua relin-
quens filio , cum multa divitiarum
copia , quindecim scilicet onustis
thesauro sagmariis , comitantibus eu-
Guarino & Joanne , ipso quoque Mari-
no , ad B. Benedicti se Monasterium
contulit , & vale dicens his , qui se-
cum venerant , nil tale de eo usque
tunc suspicantes , multis gemitibus , &
amaris se fletibus affligentes , ad pro-
pria remeare coegit ; Marinus autem
paulò post Apuliam versus abiit , ibi-
que postmodum in solitudine habitans ,
ab Agarenis est latrunculis interfectus .
Brevi post tempore Guarinus , ora-
tionis causa discurrere solitus , Ioannes
verò fratris exemplo , ad idem religio-
nis officium provocatus , Hierosoly-
mam commeare pari consilio decreve-
runt . Hoc igitur Olibanus cognito ,
tristis ,

tristis , & flens , obsecrare devotissimè
coepit , nè se violata fide defererent ,
sed sicut B. Romualdus præceperat , in
Dei illum servitio custodirent ; addens
etiam : Memento tu saltem , Joannes ,
quia Magister tuus in tua me propen-
sius fide commisit , & titulum tibi ino-
bedientiæ , si discedis , opposuit . Illi
autem obstinata intentione in propo-
sito persistentes , relicto tandem Oliba-
no , peregrinationis iter arripiunt .
Cumque descendentes de monte jam
in campestria declinassent , figentes se
loco , necessarium aliquid inter se tra-
ctare coeperunt . Et inter agendum ,
subito Gnarini Æquus furioso rotatus
impetu in aliam partem invito sessore
divertit , & Joannis tibiam feratto cal-
ce percutiens , fregit . Qui illicò ad
terram nimio dolore prostratus , jam
ferò memor Magistri præcepta ad men-
tem revocat , & se perfidum , se ino-
bedientiæ reum verbis publicæ confes-
sionis accusat . In fracto namque crure
didicit , quia fidem frangere peccatum
fuit . Et quia ipse rationis capax Ma-
gistro inobediens extitit , ad incolumi-
tatis suæ custodiam irrationale animal
sessori obedire nescivit . Deindè illuc ,
unde

S. ROMUALDI. 33

undè venire cœperat , rediens , cel-
lam sibi ædificari propè Monasterium ,
petiit , ibique per triginta serè annos ,
quamdiù vixit , in sancta conversatio-
ne permansit . Multa in eo charitas ,
mira humilitas , abstinencia verò distri-
cta nimis , & cauta ; ita ut nèc infra-
claustrum Monasterii quisquam sciret ,
Vir sanctus qualiter jejunaret . Inter
religiosa autem virtutum dona ita exor-
sum habebat detractionis vitium , qua-
tenus mox ut quis ad detrahendum os
aperiret , velut sagitta vigore lapidis
repercussa , in dirigentem protinus re-
dundaret , ita ab eo illius obtrectatio
reprimeretur . Pòst ejus verò obitum
nonnulla per eum miracula divinitus
facta sunt .

De S. Romualdo à demonibus percusso.

C A P. XVI.

ROmualdus autem post Patris cor-
reptionem , in palude Classis cel-
lulam figens , in loco , qui pons Petri
dicitur , habitavit . Postmodum verò
non corporis ægritudinem metuens ,
non foetoris nauseam perhorrescens ,

B 5

sed

sed nè imbecillitatis occasione quantumlibet se àb abstinentiæ rigore remitteret, ad Classis itidèm prædium, ubi est Ecclesia B. Martini, quæ dicitur in Silva, migravit. Ibi verò quadam die dum Completorium caneret, quia antiquum illic cœmeterium fuerat, ut sæpè fit, subito illi ex huiusmodi recogitatio incidit, mòxque ejus animum magnus phantasticæ illusionis horror invasit. Cùmque hoc crebriùs in mente revolveret, ecce maligni spiritus repentino impetu cellam ejus ingressi, protinùs illum in terram sternunt, immani eum cæde conficiunt, & exhaustis longo jejunio membris, dirissimos ictus illidunt. Tandèm Romualdus inter ipsa percussionum verbera, respectu divinæ gratiæ visitatus, in hanc vocem erupit: Chare Jesu, dilecte Jesu, quare me derelinquisti? Numquid omninò me inimicòrum manibus tradidisti? Ad hæc omnes iniqui spiritus divina virtute fugati sunt. Et continuò tanta divini amoris compunctio Romualdi pectus accendit, ut totum cor ejus in lacrymas quasi cera liquefceret, & de tot allisionibus sauciati corporis nil sentiret. mòx sanus, & validus de terra surrexit,

&

& licèt impediēte adhūc sanguine, ad eundem psalmi versum, quem reliquerat, rediit. In ingressu quippè dæmonum fenestra cellulæ in frontem illius impegit, in qua manifesta postmodum cicatrix occalluit, quæ evidens vulneris indicium, quamdiū Vir sanctus vixit, ostendit.

De iniquis spiritibus, qui sibi velut diræ volucres apparebant.

CAP. XVII.

JAm igitur miles Christi assueto bello robustior, studebat quotidie ad majora proficere, de viribus in vires crescere, & semper semetipso fortior, nullas jam poterat enervati hostis insidias formidare. Sæpè enim sibi in cella residenti velut teterrimi corvi, vel vultures, iniqui spiritus videbantur assistere, & quasi ad custoditum animalis cadaver, quia non audebant accedere, cogebantur eminùs aspestare. Sæpè se in figuris Æthiopum, sæpè se per diversorum animalium species ostendebant. Quibus clarus Christi triumphator insultabat, dicens: Ecce paratus

sum, venite; & si quàm in vobis est virtus, ostendite. Numquid jam omninò deficietis? numquid jam victi estis, & aliquas contra Dei servulum certandi machinas non habetis? His deniquè & hujusmodi verbis confundens iniquos spiritus, confestim eos, velut missis totidèm jaculis, effugabat. Videns ergò diabolus, quia per semetipsum contra Dei famulum prævalere non posset, ad callida argumenta conversus quòcumque Vir sanctus ibat, discipulorum ejus animos adversus eum in malitiam excitabat; ut quia retentari eum àb accenso sui fervoris impetu impossibile fuerat, saltem àb alienæ salutis cura compesceret: & quia ipse ab hoste superari minimè posset, vel ex aliis victoriam non negaret.

De monachis S. Romualdum verberantibus, & divina ira percussis.

C A P. X V I I I.

ALiquandò namque ad locum, qui Balneum dicitur, qui videlicèt in Saxenati constitutus est territorio, transit: ubi etiam non pauco tempore, com-

commorans, Monasterium ad B. Arcangeli Michaelis honorem construxit, à quo non longè cellam in ea habiturus intravit. Illuc autem Hugo Marchio septem sibi pro necessitate misit numismatum libras: quas ille, ut benè prodigus misericorditè dispensaret, accepit. Audito itaque quod monasterium Palatioli fuisset igne consumptum, sexaginta solidos de predicta pecunia, fratribus in adiutorium direxit, reliqua autem, ut in simile opus expendere servavit. Cognito hoc Monachi S. Michaelis, belvino contra eum furore commoti sunt, tum quia pravis eorum moribus contrarius jam in multis extiterat, tum quia quæ illi debebantur, non eis omnia, sed quædam aliis impendebat. Facta igitur conspiratione, unanimiter cellam ejus cum sudibus, & phalangis irrumpunt, verberibus eum multis afficiunt, & directis omnibus turpiter dehonestatum de finibus suis expellunt. Cum itaque eliminatus abiret, & nimia tristitiæ vis in mentis ejus jam interiora descenderet, hoc apud semetipsum deliberat, ut jam de cætero sua contentus, alienæ salutis curam omnino postponat. Postquam

quam videlicet cogitationem tantus
 animus ejus terror invasit, ut si in eo,
 quod mente conceperat, obstinatè per-
 sisteret, periturum se, damnandumque
 divino Judicio nullatenus dubitaret.
 Manachi autem compotes diù deside-
 ratæ ultionis effecti, & quasi proiecto
 gravi onere levigati, hoc, quod in
 Dei famulum egerant, multis inter se
 laudibus efferunt, & in immoderatum
 ludum, atque cachinnum se, lætitia le-
 nocinante, resolvunt: deindè, etiam
 ut tanti gaudii solennitatem quodam-
 modò jucundissimam faciant, sumptuo-
 sas deliciarum copias sibi ad convivi-
 um parant. Erat verò tunc hiems,
 quæ non solum vicissitudini temporum,
 sed frigidis quoque eorum mentibus
 aptissimè congruebat. Unus autem ex
 eis, qui in beatissimum Christi famu-
 lum sævior fuerat, mel acquirere, un-
 dè mulsum epulantibus faceret, sata-
 gebat. Cùmque Sapin fluvium hoc
 studio transmearet, offendentibus in-
 plancas pedibus, subito de ponte deij-
 citur, & fluviali voragine funditus ab-
 sorbente raptatus, extinguitur. Justo
 videlicet Dei judicio, ut turbida illum
 aqua satiare ad mortem; quia in eo,
 quod

S. ROMUALDI. 39

quod flere debuerat , mellis dulcedinem ad vitæ concupierat voluptatem . Noctæ verò dùm omnes ex more quiescerent , descendente crebra nivium multitudine , repentè tota communis ædificiū supèr eos fabrica corruit , & alteri caput , alii brachia , alii crura , vèl quælibet alia membra contrivit . Unì etiam eorum oculus evulsus est , & meritò divisionem corporeæ lucis pertulit , qui divinus à proximo , etiam si alterum haberet , geminæ charitatis unum lumen amisit .

*De Iussione sancti Apollinaris ad S.
Romualdum .*

C A P. XIX.

A Liquandò autem Vir sanctus non longè mansit à Catria . Cùmque ibi aliquandiù moraretur , manifestè sibi B. Apollinaris apparuit , & quatenus ad suum Monasterium pergeret , ibique potiùs habitaret , ex magna auctoritate præcapit . Quod Vir sanctus nequaquam negligendum ducens , locum , in quo morabatur , sinè cunctatione deservit , & quò missus fuerat , impeger festinavit ,

De

De habitatione eius in Origario.

C A P. XX.

I Nclusus est etiam quodam tempore Vir venerabilis in palude Commaclensi, quæ dicitur Origarium: unde postmodum præ nimio palustris coeni foetore, & corrupto aere, ita totus tumefactus, & depilatus exiit, ut nequâquam eadem, quæ inclusa fuerat, species videretur. Nam & caro ejus tota eatenus erat viridis, ut vix stellioni discolor appareret.

*De cella incensa, & per orationem
extincta.*

C A P. XXI.

A Lio quoquæ tempore in Insula, quæ Pereum dicitur, habitavit: quæ videlicet Insula à Ravenna Urbe duodecim ferè millibus distat. Ibi verò dum in cella cum quodam venerabili viro, suo nimirum discipulo, Guiljelmo nomine, moraretur, angusti parietes habitaculi repente flamma corripuit,

S. ROMUALDI. 4^r

puir , deindè ad alta conscendens , dominari per tecta liberis jam viribus coepit . Protinùs Vir sanctus ad solitæ defensionis argumenta confugiens , non quæ ibi erant reposita foras extrahere , non , ut mos est , tecti scindulas dissipare , non aquarum abundantiam spargere , non ullis impulsus est ad extinguendos ignes nisi bus anhelare , sed solummodò orationem fudit , & confestim stridentes ignium globos divina virtus extinxit .

*De Rege hospite S. Romualdi , & quia
Abbatiam suscepit .*

C A P X X I I .

Eodem verò tempore junior Otto Imperator Classensem Abbatiam ordinare desiderans , optionem fratribus dedit , ut quem ipsi vellent , indubitanter eligerent . At illi continuò unanimiter expetunt Romualdum . Imperator autè diffidens beatum Virum ad Regiam aulam evocari posse per nuncium , ire ad eum per semetipsum voluit , & ad cellam ejus , Sole occidente , pervenit . Cui Romualdus , quia
ma-

magnum hospitem in parva domo suscep-
erat , lectulum suum ad quiescen-
dum dare dignatus est . Coopertorium
tamèn Rex noluit , quia asperrimum
judicavit . Manè autem facto , Rex eum
secum ad Palatium duxit , tandèmque
sibi instare , ut Abbatiam susceperet ,
multis præcibus cæpit . Qui cum re-
luctaretur , & Regiæ petitioni assen-
sum penitus denegaret , Rex autem , è
contrariò excommunicationem , & ana-
thema ab omnibus Episcopis , Archie-
piscopis & toto synodali Concilio mina-
retur , tandèm imminente necessitate
succubuit , & animarum regimen co-
actus accepit . Referebat tunc hoc sibi
nequàmquam videri novum sed antè
quinquennium sibi fuisse divinitus re-
velatum . Regebat itaque Monachos
sub districta Regulæ disciplina , nèque
alicui ab ea declinare impunè licebat ,
non deniquè nobilis , non litteris eru-
ditus , per actus illicitos in dextram ,
levamque partem defletere ; vel à
rectæ conversationis audebat rectitudi-
ne deviare . Vir deniquè sanctus cordis
oculos in cælum figens , ut Deo in om-
nibus obtemperaret , non timebat ho-
minibus displicere . Hoc autem fratres
con-

S. ROMUALDI. 43

considerantes semetipsos prius accusant
quia hunc sibi præesse poposcerant :
deindè multis eum detractionum susur-
rationibus lacerant , & duris scanda-
lorum aculeis vexant .

*De Abbatia dimissa: & pace inter Regem,
& Tiburtes facta .*

C A P. XXIII.

ROmualdus itaque videns , & suam
perfectionem aliquatenus minui,
& illorum mores proclivius in deterio-
ra converti , Regem impiger adiit , &
eo non leviter reluctante, unà cum Ar-
chiepiscopo Ravennate , in utriusque
conspectu virgam projecit , & Mona-
sterium dimisit . Porro autem Rex Ti-
burтинam tunc civitatem obsidebat. Ci-
ves enim inclytum ejus Ducem , Ma-
zolinum nomine , interfecerant , ipsum
quoque Regē correptis armis à suis me-
nibus exturbarant; Undè non dubium est
B. Romualdū illuc ex divina providen-
tia missum , qui imminens tot anima-
rum periculum sequestra pace delevit .
Hoc etenim inter eos pactus est , ut
Ti-

Tiburtes ad honorem Regis murorum partem diruerent, obsides darent; Ducis verò interfectorem ad ejus matrem catenatum dirigerent. Quæ sancti Viri fufis ad Deum precibus, mitigata, crudelitèr offensa, & crimen indulfit, & incolumen ad propria redire permisit.

De Sancto Venerio.

C A P. XXIV.

Fecit quoquè venerabilis Vir apud Tibur alium boni operis fructum, quem silentio prætereundum esse non arbitror. Quidam namque beatus Vir, Venerius nomine habitare primitùs in Monasterio cepit cum tanta humilitate, & simplicitate, ut omnes illum fratres subsannando despicerent, & delirum, atquè dementem esse putarent. Alii namque illum sæpè colaphizare, alii fordida qua lebetes lavabantur, aqua perfundere, alii diversis illum solebant conviciorum jurgiis lacerare. Cùmque ille se perpenderet intèr tot adversa, tranquillum suæ mentis statum servare non posse consortium deserens, in so-

S. ROMUALDI. 45

litudinem fugiens properavit . Ubi per
 sex annos absquē vino , omnique pul-
 mento sub nimix distictionis ariditate
 permansit : Hunc itaquē Romualdus ,
 audita ejus fama , visitare curavit .
 Quem interrogans , sub cujus regimine
 degeret , cujusvē arbitrio suæ conver-
 sationis obedientiam exhiberet ; res-
 pondit , se alieno solutum imperio, hoc
 sequi , quod sibi utiliūs videretur .
 Cui Romualdus ait : Si Crucem Chri-
 sti portas , superest , ut Christi obe-
 dientiam non relinquant . Vade igitur ,
 & consensu à proprio Abbate suscepto,
 revertere , & sub ejus dominio humi-
 litèr vive ; quatenus sacri operis ædi-
 ficium , quod bona voluntas ædificat ,
 humilitas erigit , obedientiæ virtus ex-
 tollat . Hæc , & multa alia ædificatio-
 nis monita proferens , docuit eum qua-
 litèr cogitationibus suis resistere , qua-
 litèr posset iniquorum spirituum infe-
 stationibus repugnare , & ita confir-
 matum , & instructum in multa eum ,
 alacritate reliquit . Ille igitur sancti
 Viri documenta gratantèr amplectens ,
 Abbatem suum protinùs adiit , con-
 sensum accepit , & ad dilectam solitu-
 dinem quantocyùs remeavit . Volens
 au-

autem in possessione sui Monasterii habitare, ascendit in quoddam saxum, nullis hominum vestigiis pervium, & à humana penitus conversatione remotum, ibique per quatuor annos omnino humano solatio destitutus, singulariter habitans, exceptis tribus buccellis, quas de Monasterio secum detulerat, non panem comedit, non vinum bibit, non coctum aliquid omnino gustavit, sed solis arborum pomis, & herbarum radicibus vixit. Erat autem in eodem saxo quædam concavitas, ubi colligebatur aqua in hieme, ex qua Vir sanctus tota bibebat æstate. Tandem vero cognito, quod ibi servus Dei moraretur, coeperunt ad eum multi confluere, ciborum alimenta deferre, & quæque sibi quasi necessaria ministrare. Quorum ille nullius indigens, cuncta pastoribus pecorum, & aliis indigentibus exhibebat. Exhortante autem loci Episcopo, Basilicam ibi fieri, & consecrari permisit. In qua ipse aliquantò post tempore defunctus est, & à quibusdam se quærentibus inventus est acclivis ante altare, quasi causa orationis in cubitis, & genibus jacens. Ubi nonnulla per eum Dominus miraculorum signa operari

S. ROMUALDI. 47

rari dignatus est. Sic deniquè sic bona terra ubres fructus reddidit, quæ verbi semen ex ore Romualdi multiplicatum suscepit.

De Tamo, & Religione Regis Ottonis.

C A P. XXV.

A Pud prædictam quoquè Civitatem convertit beatissimus vir [Romualdus] Tammum quemdam Teutonicum, qui sicut dicitur, in tantum, Regi familiaris, & charus extiterat, ut utriusque vestes utrumque contegerent, & amborum manus una paropsis communi sæpè convivio sociaret. Crescentius namquè Senator Romanus indignationem Regis incurrens, in montem, qui dicitur sancti Angeli, confugium petit, & quia munitio inexpugnabilis est, obsidente Rege, ad defendendum se fiducialitèr præparavit. Cui Tannus ex præcepto Regis iusiurandum securitatis præstitit, & ita ille deceptus, adnitente Papa, qui sibi inimicus erat, quasi reus majestatis capitalem sententiam subiit. Cujus uxorem postea Imperator in concubinam

accepit . Quia igitur Tammus & fraudis conscius & periurio tenebatur obnoxius , iccirco à beato Romualdo iussus est relinquere sæculum . Qui mox à Rege licentiam expetens , non modò facilem reperit , sed nimium etiam alacrem fecit . Erat enim prædictus Imperator monastico ordini valdè benevolus , & nimia circà Dei famulos affectione devotus .

Ipsè autem Rex ex eodem crimine beato Viro confessus , pænitentiae causa nudis pedibus de Romana Urbe progrediens , sic usquè in Garganum montem ad S. Michaelis perrexit Ecclesiam . Per totam etiam Quadragesimam in Classensi Monasterio B. Apollinaris , paucis sibi adhærentibus , mansit . Ubi jejuniò , & psalmodiâ , prout valebat , intentus , cilicio ad carnem indutus , aurata desuper purpura tegebatur . Lecto etiam fulgentibus pallijs strato , ipse in storea de papiriis confecta tenera delicati corporis membra terebat . Promisit itaquè B. Romualdo , quod Imperium relinquens , monachicum susciperet habitum : & cui innumerî mortales erant obnoxij , jam ipse pauperculo subiectus , coepit esse debitor sui .

Quod

*Quod S. Romualdus apud Casinum ægro-
tavit deinde ad Pereum venit.*

C A P. XXVI.

Romualdus igitur cum eo , quem prædiximus , Tammo , & cum Bonifacio viro clarissimo , quem nunc felicissimum martyrem , se habere Rufiana gloriatur Ecclesia , & cum aliis conversis Teutonibus , à Tiburis oppido ad Monasterium S. Benedicti , quod in Casino constitutum est monte , devenit . Ibì nempè graviter infirmatus est , sed citò ex divina misericordia convaluit . Habebat autem equum satis egregium , quem sibi Busclavi Sclavonici Regis filius dederat , factus ab eo manachus . Hunc Vir sanctus humilitatis studio permutavit , & lucroso concambio asinum laudabilis negociator accepit . Nimio quippè Redemptoris nostri desiderio , qui asellæ tergo considerat , Vir venerabilis hoc ipsum animal libentiùs æquitabat . Cum his igitur omnibus superiùs nominantis Romualdus ad Pereum , ubi dudum habitaverat , rediit , ibique deniquè

C his ,

his , & aliis multis fratribus aggregatis , & per cellas singulas constitutis , tanto fervore , eremiticæ conversationis rigorem , & in se , & in aliis tenuit ; ut illorum vita omnibus , ad quos fama eorundem pervenire poterat , mirabilis haberetur . Quis enim non obstupesceret ? Quis non immutationem divinæ dexteræ prædicaret , cum vidisset prius homines sericis , immò deauratis vestibus indutos , crebris obsequentium cuneis constipatos , omnium deliciarum affluentiis assuetos , nunc eos cerneret uno birro contentos , inclusos , discalceatos , incultos , tantâ abstinentiæ arditate contritos ? Faciebant autem omnes opera manuum , alii scilicet concleria , alii nebant , alii retia nectabant , alii cilicia .

De S. Bonifacio Martyre .

C A P. XXVII.

QUorum tamèn omnium vitam B. Bonifacij conversatio longiùs transcendebat . Hic denique Regis fuerat consanguineus , & ita charus , ut Rex illum non alio vocaret nomine , nisi

S. ROMUALDI. 51

nisi Anima mea . Erat autem apprimè liberalium artium doctrinis instructus , maximequè in modulationis musicæ studijs approbatus . Hic itaque cum in cappella Regia moraretur , videns Ecclesiam antiqui Martyris Bonifacij, mox exemplo sui æquivoci ad martyrij desiderium provocatus , ait : Et ego Bonifacius vocor . Cùm ergò etiam , ipse Christi Martyr esse non debeo ? Deinde quoquè jam monachus factus tanta se abstinentiæ frugalitate contrinxit , ut sepè Dominicis diebus , & quinta tantùm feria per hebdomadam manducaret . Nonnunquam verò si urticarum , vel etiam veprium cerneret densitatē , illuc se proijciens , volutabat . Ex quo cùm quidam frater aliquandò eum corripere , dicens : Hypocrita, quare hoc ad captandos popularis auræ rumores coram omnibus facis ? nihil aliud respondit : Tui sint Confessores , mei sint Martyres : Cùm verò pòst diuturnam eremiticæ conversationis vitam ad prædicandum jam ire disponeret , Romam primitùs pergere studuit , & à Apostolica Sede consecrationem Archiepiscopatus accepit . Retulit mihi quidam Senex monachus , qui eum illuc comi-

tatus de Ravennæ finibus fuerat , ſquia in toto illo itinere Vir venerabilis, cum omnibus quidem , qui eum ſequebantur, pedestèr ibat, ſed ipſe jugitèr pſallens , & cæteros longè præcedens , nudis ſempèr pedibus incedebat . Prò labore quidèſ itineris quotidie comede-
bat, ſed per ſingulos dies de medio pane , & aqua vivens , in diebus feſtis, ignoto videlicèt omni liquamine , quotidiano victui poma quælibèt, vel herbarum radices addebat.

Postquàm autèm conſecratus eſt , quotidie obſervabat & monaſticum paritèr , & canonicum in celebrandis horarum officiis ordinem . Cùm verò jam ultromontanos peteret fines, æquo quidèſ vehebatur , ſed venerabilis Pontifex , ſicuti , dicitur , nudis cruribus ſemper , & plantis adeò intollerabilem frigidiffimæ regionis tolerabat algorem, ut volens deſcendere , vix pedem àb ſub hærente ferro diſjungeret, niſi aqua priùs calida ſubveniret . Ad Gentiles autèm poſtremò perveniens , cùm tanta coepit fervidi pectoris conſtantia prædicare , ut jam nullus ambigeret , quia Vir Sanctus martyrium flagitaret . Illi verò timentes, nè ſicut poſt marty-
rium

rium B. Adelberti , coruscantibus miraculorum signis , Sclavonicæ Gentis plerique conversi sunt, ipsis quoque similiter eveniret , longo tempore à beato Viro manus artificiosa malitia reprimunt , & cupidissimo mori, nolentes eū occidere , crudeliter parcunt. Cumque ad Regem Russorum Vir venerabilis pervenisset, & constanti animo prædicationi vehementer insisteret, videns eum Rex squalidis vestimentis indutum , nudis pedibus incedentem , opinatus est , quia Vir sanctus talia non religionis causa proferret , sed iccirco potius ut pecunias congregaret . Promisit ergo sibi, quia si ab hujusmodi vanitate recederet , ipse paupertatem ejus largissima divitiarum liberalitate ditaret . Bonifacius itaque mox ad hospitium sinè mora revertitur, pretiosissimis pontificalibus ornamentis decenter indutus , & sic ad Regis palatium denudò præsentatur . Rex autem videns eum tam decoris vestibus adornatum , ait : Nunc scimus , quia te ad vanam doctrinam non paupertatis inopia , sed veritatis impulit ignorantia . Veruntamen si vis vera credi , quæ asseris , erigantur duæ excelsæ lignorum catastæ ,

brevissimo à se interstitio separatae , & igne supposito, cum vaporatae fuerint , ita ut utriusque struis unus ignis esse videatur , tu transi per medium. Quod si Iesus ex aliqua parte fueris , ipsi te penitus consumendum ignibus trademus : sin autem (quod credi non potest) sanus evaseris , omnes nos Deo tuo absque ulla difficultate credemus . Cumque hoc foedus non solum Bonifacio , sed , & cunctis , quae aderant , Gentibus placuisset, Bonifacius ita vestitus , velut Missarum sollemnia celebrans , prius cum sanctificata aqua , & incenso thure undique perlustrans ignem , deinde stridentes flammarum globos ingressus , ita exivit illaesus , ut nec minimus capitis ejus capillus videretur exustus . Tunc Rex , & caeteri , qui huic spectaculo interfuerant , cetervatim se ad pedes beati Viri proiiciunt , indulgentiam lacrymabiliter petunt , & baptizari se instantissima supplicatione deposcunt .

Coepit itaque tanta Gentium multitudo ad Baptisma confluere , ut Vir sanctus ad spatiosum quemdam lacum pergeret , & in ipsa aquarum abundantia populum baptizaret . Decrevit autem

tem Rex , ut Regnum reliquens filio ,
 ipse quamdiù viveret , se à Bonifacio
 nullatenùs separaret . Frater autèm
 Regis cum ipso pariter habitans . dùm
 nollet credere , absente Bonifacio , ab
 ipso Rege peremptus est . Alius verò
 frater , qui jam à Regis , erat cohabi-
 tatione divisus , mòx ad eum . Vir ve-
 nerabilis venit , audire ejus verba no-
 luit , sed de conversione fratris nimia
 adversus eum ira succensus , continuò
 comprehendit , deindè timens , nè si
 vivum teneret , Rex eum de manibus
 ejus eriperet , in sua præsentia , cir-
 cumstante non parva hominum multi-
 tudine , decollari præcepit , statim ve-
 rò & ipse cæcatus est , & tantus eum
 cum omnibus , qui astant , stupor op-
 pressit , ut nèc sentire , nèc aliquod
 humanitatis officium agere aliquatenùs
 possent ; sed cuncti velut lapides . rigi-
 di , & immobiles permanerent . Rex
 autem hoc audiens , nimio dolore per-
 cussus omninò deliberat non solùm
 fratrem occidere , & cunctos , qui sibi
 tanti reatus fautores extiterant , gladiis
 trucidare . Sed cùm illuc protinùs ad-
 venisset , & corpore Martyris adhuc
 in medio posito , fratrem simul cum re-

liquis hominibus sinè sensu . & motu stupefactus astare conspiceret , hoc sibi cùm suis omnibus placuit , ut priùs pro eis oratio fieret , si forsitàn illis divina misericordia sensum, quem amiserant , reformaret : deindè si acquiescerent credere , indulto crimine viverent , sin autem , omnes ultoribus gladiis interirent . Cùm igitur , & à ipso Rege , & à cæteris Christianis diutius fuisset oratum , non solum prior sensus stupefactis hominibus redditur , sed insuper consilium quoque flagitandæ veræ salutis augetur . Nam continuo pænitentiam sui criminis flebiliter expetunt , Baptismi Sacramenta , cùm magna alacritate suscipiunt, super corpus quoquè beatissimi Martyris Ecclesiam construunt . Verumtamèn ego si de hoc mirabili Viro cuncta, quæ dici veraciter possunt , virtutum dona , referre tentarem , deficeret forsitàn lingua , non deficiente materia . Dùm igitur Bonifacii virtus proprio indigeat stylo , iccirco tamèn illum cùm aliis Romualdi discipulis summotenùs hic memorare curamus , ut ex eorum laude , quam magnus vir , gloriosus Magister eorum fuerit , demonstramus ;
qua-

S. ROMUALDI. 57

quatenùs dùm celsitudo clientium aù-
ribus fidelium insonat, quam excelsus
Doctòr eorum fuerit, ex schola, quam
tenuit, innotescat.

*De S S. Ioanne, & Benedicto
Martyribus.*

C A P. XXVIII.

INtereà Romualdo in Pereo adhùc
habitante, Busclavus Rex preces
Imperatori direxit, ut sibi spirituales
viros mitteret, qui Regni sui Gentem
ad Fidem vocarent. Mòx Romualdum
Imperator aggreditur, & concedi sibi
de suis Monachis, qui illuc destinari
utilitèr valeant, deprecatur. Ille ve-
rò nulli suorum hoc præcipere velut
ex prælationis auctoritate voluit, sed
in eorum voto ponens sive manendi,
sive abeundi, eis optionem dedit. Igno-
rabat enim ex tam metuendo negotio
voluntatem Dei, & ideò non illud suo,
sed fratrum potiùs arbitrio committe-
bat. Intetrogante igitùr eos, & hu-
militer obsecrante, tandèm duo so-
lummodò sunt ex omnibus inventi, qui
se ultrò ad eundem promptos offerunt.

Quorum unus Ioannes , Benedictus alter vocabatur. Hi itaque ad Busclavum euntes ; in eremo prius , eo sustentante , manere coeperunt , & ut prædicare postmodum possent , Sclavonicam linguam laboriose discere , studuerunt . Septimo verò anno , cum jam loquelam terræ plenè cognosceret , unum ad Romanam urbem Monachum mittunt , & per eum à summæ Sedis Antistite prædicandi licentiam petunt . Injungunt etiam , ut nuncius ille aliquos secum de B. Romualdi fratribus duceret , qui eremiticæ conversationis edocti , cum eis simul in Sclavorum partibus habitarent .

Busclavus autem volens , coronam sui Regni ex Romana auctoritate suscipere , prædictos venerabiles Viros obnixæ coepit supplicatione deposcere , ut ipsi plurima ejus dona Papæ deferrent , & coronam sibi à Sede Apostolica reportarent . Qui Regiæ petitioni assensum penitus denegantes , dixerunt : Nos in sacro ordine positi sumus , tractare nobis sæcularia negotia minimè licet : & ità relinquentes Regem , ad cellam reversi sunt . Quidam verò , Regis agnoscentes consilium , sed quid sancti

sancti Viri responderint , ignorantes ,
 copiosum auri pondus , quod mitten-
 dum Apostolico fuerat , secum eos de-
 tulisse ad cellulam opinati sunt . Dein-
 de intra se conventionem pacta condi-
 cunt , ut nocturnum eremum latentèr ingres-
 si , & Monachos interficerent , & pe-
 cuniam asportarent . Quos cum beati
 Viri tentantes irrumpere persensissent ,
 adventus eorum causam protinùs agno-
 scentes , Confessionem inter se facere ,
 & sanctæ Crucis se cœpere vexillo mu-
 nire . Erant autem ibi duo pueri eo-
 rum obsequio ex aula Regia deputati ,
 qui prout vires dabant , stare pro San-
 ctis , & furibus resistere nisi sunt . Fu-
 res verò reperto tandem auditu irru-
 entes , extractis gladiis , omnes pariter
 occideretur . Tunc thesaurum anxie
 perquirentes , sed eversis omnibus ni-
 hil invenientes , ut tanti reatus crimem
 obtegerent , & humana suspicio non ar-
 mis , sed flammis potius , quod factum
 fuerat , deputeret , cellam incendere ,
 & ipsa conati sunt Martyrum cadavera
 conflagrare . Sed admoti ignes , amif-
 sis naturæ viribus , nil omnino consu-
 mēre ullis hominum studiis potuerunt .
 Ità enim eos ipsa etiam parietum mate-

ries repellebat , ac si pro lignis durissimi filices essent . Frustrati itaque fures in fugam se conferre nituntur , sed & hoc illis ex divina providentia denegatur . Tota siquidem nocte per fruteta nemorum , per latitudinem saltuum , per opaca silvarum viam anxii sunt quærere , quam tamèn nullatenùs valere errabundis vestigiis invenire . Sed neque pugiones in vaginas recondere arefactis brachiis potuerunt . Ubi verò Sanctorum jacebant corpora copiosum lumen usque in diem splendescere , & dulcissima Angelicæ cantilenæ non desinit suavis resonare .

Adveniente autem die, quod factum fuerat , Regem latere non potuit . Qui illicò ad eremum cùm numerosa populi multitudine festinavit , & nè fures evaderent facta corona hominum totam silvam undiquè circumcinxit . Qui tandem reperti sunt manifesti criminis rei , & ad gladios suos adhuc divina ex ultione ligati . Rex autem quid de eis faceret , habita consideratione deliberans , hoc postremò decrevit , ut nequaquam eos , sicùt merebantur , occidi præciperet , sed ferreis catenis vinctos ad sepulchra Martyrum destinaret

S. ROMUALDI 61

naret, quatenus aut ibi usque ad obitum in vinculis miserabiliter viverent, aut si sanctis Martyribus aliter videretur, ipsi eos sua misericordia liberarent. Qui cum ad Sanctorum tumulum fuissent ex præcepto Regis attracti, mox ineffabili divinitatis omnipotentia fractis sunt nexibus absoluti. Deinde facta super corpora Sanctorum Basilica innumerable non solum tunc, sed & nunc ibi fiunt ex divina virtute prodigia.

De Monacho per Angelum de carcere liberato.

C A P: XXIX.

Imperator autem Henricus Busclavi consilium non ignorans, undique vias custodiri præceperat, ut si Busclavus Romam nuncios mitteret, in ejus illico manibus devenirent. Monachus ergo, qui nuper missus à sanctis Martyribus, fuerat, demum captus est, & mox carcerali custodiæ mancipatus. Nocte vero illum Angelus Domini in carcere visitavit, & consummatos esse eos, quorum legationeungebatur, admonuit: statimque aperto divinitus car-

car-

cere, præparatum sibi esse navigium in fluvio, quem transiiturus erat, asseruit. Quò festinans Monachus Angelicæ promissionis Fidem veram esse probavit.

De Monasterio sancti Aldeberti constructo, & prophetia S. Romualdi adversus Regem prolata.

C A P. XXX.

DUm moraretur autem Romualdus adhuc in Pereo, Imperator Otto Monasterium ibi ad honorem S. Aldeberti, eo suggerente, construxit, cui contigua Classensis coenobii prædia contulit, & ea sibi ex Fiscali possessione in Firmensis Monarchiæ partibus recompensavit. Abbate ergo illic ex Romualdi discipulis constituto, & fratribus aggregatis, coepit eos Romualdus sub magna tenere custodia, & docebat eos sub regulari vivere disciplina. Præcepit etiam Abbati, ut in eremum secedens, per totam hebdomadam in cella consisteret: diebus verò Dominicis fratres ad Monasterium, veniens, visiteret. Qui sancti Viri iussa

con-

S. ROMUALDI. 63

contemnens, cœpit sæcularitèr vivere, & pede operis semèl exorbitante à re-
 ctitudinis tramite jam longiùs declina-
 re. Videns ergò Romualdus quod se-
 cundum suæ voluntatis ardorem ibi la-
 borare non posset, Regem protinùs adi-
 it, & acceptæ promissionis exactor, ut
 Rex monachus fieret, insistere vehe-
 mentiùs cœpit. At ille facturum se,
 quidem, quod exigebatur, asseruit, si
 tamen priùs Romam, quæ sibi rebel-
 labat; impeteret: & ea deviçta, Ra-
 vennam cum victoria remearet. Cui
 Romualdus si Romam inquit, jeris,
 Ravennam ulterius non videbis: &
 apertissimè illi mortem propinquam ef-
 se denunciâns, quia eum revocare non
 potuit, proculdubio de ejus certus in-
 teritu, dum Rex Romam properat,
 Romualdus navim ascendens, ad Civi-
 tatem Parentium transferat. Rex ita-
 que secundum beati Viri prophetiam,
 vix à Roma reverti incipiens, mòx
 languore correptus, apud Paternum
 defunctus est.

*Ubi gratia perfectionis S. Romualdo
divinitus est concessa.*

C A P. XXXI.

ROmualdus autem tribus annis in Parentinæ civitatis finibus habitans, in uno Monasterium construxit, & Abbatem in eo cum fratribus ordinavit, in duobus vero inclusus mansit. Ibi nempe ad magnæ perfectionis cumulum pietas illum divina provexit, ita ut sancto affectus Spiritu, & nonnullis ventura prospiceret, & multa veteris, ac novi Testamenti occulta mysteria radiis intelligentiæ penetraret. Anxiabatur autem ibi aliquandò in lachrymas erumpere, sed nullo valebat conamine ad contriti cordis compunctionem venire. Factum est ergo quadam die dùm in cellula psalleret, ut in hunc psalmi versiculum incidisset: Intellectum tibi dabo, & instruam te in via hac, qua gradieris, firmabo super te oculos meos. Repente igitur tanta sibi lacrymarum effusio orta est, & ita mens ejus ad intelligendas divinæ Scripturæ sententias illustrata; ut ex

S. ROMUALDI 65

eodem die, & deinceps quamdiu vixit,
 & quandocumque voluisset, uberes si-
 bi lacrymæ facillimè fluere, & pluri-
 ma illum Scripturarum mysteria non
 laterent. Frequentè enim tanta illum
 divinitatis contemplatio rapiebat, ut
 quasi totus in lacrymas resolutus, æstu-
 ante iuenarrabili divini amoris ardore,
 clamaret: Chare Jesu chare, mel me-
 um dulce, desiderium ineffabile, dul-
 cedo Sanctorum, suavitas Angelorum,
 & cætera hujusmodi, quæ ille sancto
 Spiritu dictante in jubilum proferebat;
 nos humano sensu exprimere talia non
 valemus, Sicut enim Apostolus dicit:
 Nos sicut oportet, orare nescimus, sed
 ipse Spiritus orat pro nobis gemitibus
 innerrabilibus. Et ideò Romualdus
 Missam celebrare coràm pluribus num-
 quàm volebat, quia se à lacrymarum
 inundantia continere non poterat. Un-
 de etiam postmodum præ nimia jam con-
 suetudine Vir simplicis animi putans
 gratiã sibi divinitus prærogatã, omnibus
 esse concessam, dicebat, plerumquè
 discipulis. Cavete nè multas lacrymas
 effundatis, quia, & visum minuunt,
 & verticem lædunt. Ubicumquè au-
 rem Vir sanctus habitare disponderet,
 ora-

oratorium cum altari primitus intra cellulam faciens , deindè se recludens , aditum damnabat .

De prophetia S. Romualdi , qua discipulorum prænunciavit adventum .

C A P . XXXII .

Miserunt aliquaudò ad illum fratres , qui morabantur in solitudine , quæ Bifurcum dicitur , consilium flagitantès , qualiter conversari in eremo deberent , qualiter diabolicis impugnationibus resistere potuissent . Quorum nuncii cum ad Monasterium à quo Romualdi cella longiùs aberat , pervenissent , illicò venerabilis Vir per spiritum eorum cognovit adventum , præcepitque Abbati Ansoni , qui sibi tunc assistebat , dicens : Vade , & pulmentum fratribus præpara , qui de longinquis partibus advenerunt : qui continuo coepit eum deridere , & dicere : Quia vere falsus Propheta esset . Postremò tamèn velut coactus ad Monasterium veniens , eos , & quos Vir sanctus prædixerat , orantes jam in Ecclesia reperit . Quos videlicèt Romual-
dus

S. ROMUALDI. 67

dus multo salutaris doctrinæ sale con-
 divit. multis deniquè contrà antiqui
 hostis insidias virtutum armis instru-
 xit ; & postquàm eos de omnibus subti-
 litèr docuit, cum multa eos ad eremum
 alacritate remisit .

*De reditu ejus à Parentio , & nautis-
 ejus meritis de periculo liberatis .*

C A P. XXXIII.

ALio quoquè tempore rursùs præ-
 dicti fratres ad eum nuncios di-
 rigunt , & de eadem re consilium majo-
 ri adhuc anxietate requirunt . Quibus
 Vir venerabilis ait : Ego nunc libellum
 de pugna dæmonum scribo , quem vo-
 bis , cum redieritis , dabo , vel certè
 ipse vobiscum forsitàn venio . Hoc illi
 audientes , protinùs in faciem se pro-
 sternunt, & ut cum illis ire dignaretur,
 importuna admodùm supplicatione de-
 poscunt . Altera verò die iturum se-
 cum eis incunctanter asseruit , & ut
 navim inquirerent , jussit . Audiens
 hoc Parentinus Episcopus nimio mœ-
 ror perculsus est . Inveniens quoquè
 Monachos propter navigium discurren-

rentes , multis contumeliarum eos de-
honestavit injuriis - Hoc etiam cunctis
juxta portum manentibus promulgavit
edictum , ut quicumque Romualdo na-
vim dare præsumeret, ipse quoque unà
cum ipso irrevocabili professione de-
migrans , Parentium ulterius non re-
diret . Festinè igitur nuncius ad Po-
lensem Episcopum mittitur , ut beato
Viro navigium mittere non moretur .
Sæpè namquè præfatus Episcopus ad-
hortatus illum fuerat , ut nequaquam
de cætero in tam obscuro recessu in-
clusus lateret , sed illuc potiùs se con-
ferret , ubi animarum lucrum copio-
sius facere potuisset , nè videlicèt sicut
carbo soli sibi met arderet : sed magis ,
ut re vera lucerna super candelabrum
posita , omnibus , qui in domo Dei
sunt , radios suæ lucis infunderet .

Dùm igitur nuncius , qui missus fu-
erat , expectaretur ; Romualdus his ,
qui secum erant , fratribus ait : Nove-
ritis proculdubiò , quia frater ille tar-
diùs veniet, & in alia navi nos ire priùs,
quàm ille revertatur , oportet . Adve-
niente autem sancto die Dominico , in
ipso primæ lucis crepusculo dixit assi-
stenti sibi cuidam fratri , nomine Ingel-
berto

berto, qui postea Archiepiscopus in Gentibus factus est: Respice, inquit, procùl in pelagus, & vide duas naves longinquis adhuc spatiis pari adversum nos velocitate tendentes, quarum nos definitè debeat una suscipere. Qui curiosius intendens, & expansis oculorum radiis sollicitè cuncta perlustrans, aliquod remigandi signum omninò videre non potuit. At cum dies jam jamque claresceret, ecce extremo videt intuitu duas naves eminùs adventantes, & præ nimia adhuc longinquitate, quasi totidem volucres apparentes. Quibus tandèm subeuntibus portum, interrogati remiges, utrùm Romualdum, cum suis in propria vellent nave suscipere, nova mòx repleti lætitia, se & sua omnia in ejus potestate constituunt, & beatos se fore tam pretiosæ margaritæ pondere profitentur. Illo itaque die minas aëreis formidantes ire noluerunt. Romualdus autem exhortatus est eos, ut statim in spe divinæ gratiæ iter inciperent, spondens eis, quia nullum omninò periculum sustinerent, Illi tamen tota die ibidem commorantes, nocte navigare coeperunt.

Circa diluculum autem subitò venti
 laxi-

fæviunt , tempeſtas oritur , mare ab imo fundo verſatur . Jam verò furentes undiquè procellæ ipſos quoque remiges tranſvolant , & navim hinc idnè concutientes , totas panè tabulas laxant . Videres itaque homines , alios quidem ſe ad natandum exuere , alios verò diverſis ſe plauſtribus religare ; quosdam autem , ut ſupernatare fluctibus poſſent , remos , aut lignum aliquod ſtrictum tenere . Cumque in tanto discrimine non jam dubium desperatis omnibus naufragiū immineret , illicò Romualdus ad ſolita videlicèt orationis armamenta cucurrit , & reclinato paululùm caputio , capite devexo in gremiū , præces ſub ſilentio ad Dominū fudit : deindè Anſoni Abbati , qui cominùs aſſidebat , ſecurè præcedit , dicens ; Denuncia nautis , ut nequaquàm timeant , ſed omnes ſe incolumes evaſuros abſquè ulla penitùs ambiguitate cognoſcant . Vix modicum poſt hoc , & eccè ultrà omnium ſpem abſquè ullo humano ſtudio ipſa ſe navis dirigit , & mòx in portum Capreolæ Civitatis delapſa , celeritèr ſubintravit . Tunc omnes liberatori Deo dignas referunt gratias , & manifeſtè ſe de fau-
eibus mortis ereptos Romualdi meritis profirentur .

De adventu S. Romualdi in Bisurcum.

C A P. XXXIV.

Veniens itaque Romualdus Bisurcum, visis omnium fratrum cellis, quia suprestitutione quadam ambitiosæ videbantur, in nulla earum habere hospitium voluit, nisi in illa solummodo in qua Petrus venerabilis ejus discipulus habitabat; Vir si quidem, mirabilis abstinentiæ, multæque admodum extremitatis, qui cellulam sibi ad S. Hilarionis exemplum vix unquam largiorem fieri quatuor cubitis permittebat. Referebat autem postea idem venerabilis vir, quia dum B. Romualdus cum ipso maneret, & psalmos uterque intèr se vicariis versibus alternaret, triciès in nocte, vel eo ampliùs se Romualdus ad requisita naturæ ire simulabat, quoniam affluentium lacrymarum inundantiam, atque singultus cohibere non poterat. Cùmque ibi Romualdus aliquandiù moraretur, & fratres non solum de spirituali certamine, verùm etiam, ut sibi Abbatem præferrent, & communia cuncta fa-

facerent , admoneret ; illi , quia suum habebat unusquisque sustentatorem , & prout cuique libuerat , proprii sequebatur arbitrii libertatem , Romualdi præcepta suscipere non magnopere curaverunt .

*De adventu ejusdem ad Vallem de Castro,
& multo animarum fructu per
eum facto .*

C A P. XXXV.

Romualdus ergò sterilitatis impatiens , anxia cœpit aviditate perquirere , ubi terram potuisset ad proferendos animarum fructus idoneam invenire . Misit itaque nuncios ad Camerinæ provinciæ Comites . Qui audito nomine Romualdi , nimio repleti gaudio , cuncta suæ virtutis offerunt prædia , non modò silvarum , & montium , sed si sibi etiam placeret agrorum . Postremò repetus est in eorum possessione locus eremiticę conversationi satis congruus , montibus undiquè vallatus , & silvis . In medio verò ampla quædam planicies non solum proferendis frugibus apta , sed perspicuis
etiam

etiam fontium aquis irrigua. Hic itaque locus vallis de Castro antiquitus vocabatur, ubi jam parva erat Ecclesia, in qua conversarum quarundam mulierum videbatur esse conventus. His itaque loco cedentibus constructis cellulis illic habitare cum suis discipulis vir venerabilis coepit. Ibi autem, quantos animarum fructus per illum Dominus acquisierit, quis valeat, vel atramento describere, vel lingua proferre? Coepere namque homines ad poenitentiam hinc inde confluere, sua pauperibus misericorditer erogare; alii saeculum omnino relinquere, & ad sanctae conversationis ordinem spiritui fervido festinare. Erat enim Vir beatissimus quasi unus de Seraphim, quia & ipse flamma divini amoris incomparabiliter aestuabat, & alios, quocumque pergeret, sanctae predicationis facibus incendebat. Saepè namque dum praedicationis verba proferret, tanta illum compunctio in lacrymas excitabat, ut subito interruptum sermonem relinquens, aliquorsum repentino impetu velut amens aufugeret. Nam & si quando cum fratribus aequitabat, longè post alios veniens, semperque

psallens , nihilominus ac si in cellam
resideret , jugiter lacrymas effundere
non cessabat .

Intèr cæteros autem præcipuè singu-
lares Clericos , qui per pecuniam or-
dinati fuerant , durissima severitate
corripiebat , & eos nisi ordinem spon-
tè defererent , omninò damnabiles , &
hæreticos asseribat . Qui novam rem
audientes , occidere illum moliti sunt .
Per totam namquè illam Monarchiam ,
usquè ad Romualdi tempora , vulgata
consuetudine , vix quisquam noverat ,
Simoniacam hæresim esse peccatum .
Qui dixit eis : Canonum mihi libros
afferte , & utrùm vera sint , quæ dico ,
vestris attestantibus paginis comproba-
re . Quibus itaque diligentèr inspectis ,
& crimen agnoscent , & errata deplan-
gunt . Constituit itaque Vir sanctus
plures Canonicos , & Clericos , qui
laicorum more sæcularitèr habitabant ,
Præpositis obedire , & communiter in
congregatione vivere docuit . Nonnulli
quoque Episcopi , qui per Simoniacam
hæresim sacras Sedes invaserant , ad
eum causâ pænitentia concurrebant .
Qui etiam venerabili Viro se commit-
tentes , & Episcopatum termino statu-

to delerere, & ad sanctæ conversationis se promittebant ordinem festinare. Ex quibus tamèn Vir sanctus quamdiù vixit, nescio si vèl unum convertere potuit. Est enim venenata illa hæresis, præsertim in Episcopali ordine, tam dura, & ad convertendum rigida, ut semper promittens, semper de die, in diem producens, atque in futurum, procrastinans, faciliùs possit Judæus ad fidem converti, quàm hæreticus latro plenè ad poenitentiam provocari.

De fure, quem frangentem cellam Gregorii per spiritum vidit, & illesum dimisit.

C A P. XXXVI.

IN eisdem quoquè partibus Vir Sanctus Monasterium condidit puellarum. Solemni quadam die dùm Vir venerabilis illic cum fratribus in capitulo resideret, & eos salutaris doctrinæ dapibus satiaret, repentè ipsum interrumpens sermonem, anxia quadam animadversione exclamare cœpit, & dicere: Agite nunc, inquit, agite, & quantocyùs properate, quia jam fratris Gre-

gorii cellam fur frangit (hic autem ,
Gregorius Archiepiscopus in gentibus
postmodum consecratus est) qui pro-
tinus exilientes ad cellam pernicipiter
currunt, & furem jam parietes infringen-
tem inveniunt . Quem capientes ad ma-
gistrum pertrahunt , & quid de tam
sacrilego raptore faciendum esset , in-
quirunt . Quibus Vir sanctus capit hi-
leriter dicere : Et ego , fratres , ignoro
quid de tam malo homine possimus face-
re . Eruimus sibi oculos ? sed postea non
videbit . Incidimus ei manum ? sed am-
plius non laborabit , ac per hoc forsi-
tan fame peribit , Si pedem truncamus ,
ambulare non poterit . Sed intrò eum
minate , & cibum illi prius apponite ,
ut quid de eo faciendum sit , interim
pertractemus . Et ita Vir sanctus exul-
tans in Domino , postquam cibari la-
tronem fecit , deinde modestè corre-
ptum , & dulcibus verbis admonitum ,
redire ad propria in pace permisit .

*De Monasterio Urbis veteris , quod
construxit .*

C A P. XXXVII.

Postremò dimissis in valle de Castro nonnullis de suis discipulis, ad regionem se Urbis veteris contulit , & in possessione Pharulphi Comitis Monasterium, multis quidem suffragantibus, sed eo maximè expensas præbente, construxit . Tantus namquè in sancti Viri pectore faciendi fructus , ardor incanduerat , ut effectis nunquam contentus, dùm alia faceret , ad facienda mòx alia properaret ; adeò ut putaretur totum mundum in eremum velle convertere , & monachico ordini omnè populi multitudinem sociare . Multos deniquè illic de sæculo abstulit , quos per plura sacra loca divisit .

De filio Comitis , qui cæcum post mortem illuminavit .

C A P. XXXVIII.

Nonnulli quoquè nobilium filii, contemptis parentibus, ad Vi-

rum beatissimum fugiebant . Ex quibus etiam filius Guidonis Comitis fuit, qui in ipsa pueritia non longo tempore postquam monachus factus est, ad mortem veniens , vidit duos iniquos spiritus , quasi nigerrimos vultures terribiles in se oculos infingentes . Cùmq; hoc assistenti sibi B. Romualdo puer ediceret , protinùs addidit : Ecce Magister , tanti nunc Ætiopes intrant , ut jam totum adilicium repleant . Exhortatur autem , ut confiteretur quid delinquisset , hoc solummodò crimen felix ille peccator cum magno terrore confessus est , quia iussus fuerat à Priore, nescio quot scopas accipere , quas nec dùm acceperat . Romualdo igitur sibi tanti facinoris veniam indulgente , in pace defunctus est . Postera vero die cæcus quidam , præbendarius videlicet Patris ejus , ad sepulcrum illius venit , & altiori voce clamavit : Hem Domine, inquit , meus , si cum Deo es , sicut credo , preces pro me ad eum funde , & oculorum mihi lumen restitue . Et hoc dicto statim illuminatus est . Nonnulli quoque ægroti ad ejus tumulum venientes , redditi sunt sanitati . Nam & ipsum ejus sepulchrum velut multis ple-

S. ROMUALDI. 79

plenum aromatibus redolebat . Et ita à Deo meruit honorari post mortem , qui pro ejus amore dum viveret , carnalium parentum sprexit hæreditatem .

*De tribus Monasteriis, quæ S. Romualdus construxit , & de profectio-
eius in Ungariam .*

CAP. XXXIX.

INtereà Romualdus audiens , quia beatissimus vir Bonifacius martyrium suscepisset , nimio desiderii igne succensus , ut pro Christo sanguinem funderet , Ungariam mōx ire disposuit . Interim tamēn dūm in ipsa intentione p̄risteret , brevi tempore tria constituit Monasteria , unum videlicet in valle de Castro , ubi nūnc sanctissimum corpus ejus est conditum , aliud propè Insinū fluvium , tertium juxtā oppidum condidit Esculanum : Deindē licentia ab Apostolica Sede suscepta , & duobus ē suis discipulis in Archiepiscopos consecratis , cum viginti quatuor fratribus iter arripuit . Tantus enim ardor moriendī pro Christo in omnibus æstuabat , quod Vir sanctus ad tale ne-

gotium cum paucis ire difficile poterat. Eunt ergò cum jam ipsis Pannoniarum finibus interessent, repentè Romualdus languore correptus, ulteriùs ire non potuit. Cùmque diutiùs pateretur, si quandò redire disponderet, protinùs ex ægritudine convalescebat. Sin autem ire ultrà tentaret, tota ejus facies protinus intumescebat, cibos quoque jam retinere stomacho languescente non poterat. Advocatis, itaque fratribus ait: Perpendo, inquit, nequaquàm divinæ voluntatis esse iudicium, ut ultrà progrediar. Veruntamen quia intentionis vestræ desiderium non gnoro, neminem vestrum redire compello, multi nempè etiam antè nos totis nisibus studuerunt ad martyrii culmen pertingere, sed quia diuina providentia aliter sensit, in suo gradu coacti sunt remanere. Licèt ergò vobis omnibus martyrium defuturum esse non ambigo, qui tamèn ire, qui mecùm redire voluerint, uniuscujusque relinquatur arbitrio. Quindecim igitur Ungariam prodeuntibus, duobus alibi jam dimissis, vix septem cum Magistro discipuli remanserunt. Euntium autem quidam flagellantur, venduntur,
plu-

S. ROMUALDI. 81

plures domino subeunt , ad martyrium tamen , sicut Vir sanctus prædixerat , non pertigunt .

Romualdus autem converso quodam nobilissimo Viro, Adhelberonis videlicet Ducis consanguineo , qui postea monachus factus in sancta usquè ad mortem conversatione permansit , aliisque Teutonicis , ad Monasterium , quod in Urbis veteris regione construxerat , rediit . Notandum itaque est , quia sanctus Vir nequaquam velut levitate usus , falli inanitèr potuit , qui secundum intentionem quidem suam , martyrium subiit , juxta divinum verò consilium pro salute eorum missus est , quos convertit . In prædicto igitur Monasterio multa persecutionis scandala passus est . Volebat enim Abbatem , ut revera monachum , extremitatem diligere , sæcularia ex desiderio non tractare , res Monasterii pro vana gloria non expendere , fratrum usibus necessaria ministrare . Quæ omnia dum ille surda aure contemnit ; Romualdus locum cum suis discipulis deferens , longè à Castro prædii in virtute Rainerii , qui postmodum Thusciae Marchio factus est , habitavit .

De Rainerio Marchione .

C A P X L .

Hic autem Rainerius Cojugem suam occasione propinquitatis abiecerat , & consanguinei sui Uxorem , quem ipse se insequentem quodammodo invitus occiderat , in conjugium copularat . Ob hoc itaque Romualdus , nè criminis ejus patriceps fieret , gratis manere in ejus possessione noluit , sed unum sibi aureum pro aqua , alterum verò pro lignis appendit . Quos , cum ille omninò respueret , mallens videlicet sua dare , quàm à sancto Viro quidquam recipere . postremò tamèn victus assensit , potiùs quam Romualdi abiret . Dicebat autem idem Rainerius cum jam Monarchiam obtineret , quia non Imperator , non aliquis omninò mortalium tantum mihi metum , valet incutere , quantum me Romualdi terret aspectus . Antè ejus quippè vultum nequè quid dicam scio , neque quibus me defendere valeam , ullas excusationes invenio . Habebat revera Vir sanctus hanc ex divino munere
gra-

S. ROMUALDI. 83

gratiam, ut quicumque peccatores, præsertim potentes seculi, in ejus præsentia devenissent, mōx velut ante majestatem Dei tremefactis visceribus formidarent. Sanctus nimirum Spiritus, qui pectori ejus habitator inerat, hunc terrorem injustis divinitus interdebat.

*De Abbate Classis qui S. Romualdum
voluit strangulare.*

CAP. XLI.

Illis verò temporibus Vir venerabilis unum Monasterium non longe à Massiliano castro construxit. Audiens autem aliquandò, quia Venetus quidam Classensem Abbatiam per coemptionem Simoniacæ hæreseos invale-
rat, insuper quoquè in corpus suum iniquè peccabat, illuc protinùs ire miles Christi impiger studuit, diversisque modis ex eo Monasterium purgare tentavit. Vir autem reprobus dùm Abbatiam metuit perdere, non timet homicidium perpetrare. Itempesta-
siquidem nocte, dùm Romualdus in lecto sicurè quiesceret, ille eum la-

tenter eggressus impiis cœpit digitis gutrur ejus astringere, nitens eum crudelitè suffocare. Sed dùm Vir sanctus nèc dùm prorsùs intercepto spiramine, anhelitu vix eluctante, rauciret, Ingelbertus illicò Magistri singultibus excitatus, torrem mòx ex sopito igne corripuit, & ministrum diaboli ab incepto nefandissimi criminis exturbavit.

De ita, & reditu rursus à Parentio.

C A P. XLII.

Post hæc Romualdus denuò Parentium navigavit, sed Apostolicæ Sedis Antistes, & Romani cives, ad eum redeundi legationem dirigunt. Quod si reverteretur, facturos se omnia ejus præcepta promittunt; sin autem, excommunicationis sententiam cōminantur. Hoc itaque modo suum Romualdum alumna Italia recuperare promeruit.

*De miraculo latronis in monte Petra-
no facto .*

C A P. XLIII.

EO itaque tempore in faucibus Cal-
lensium montium aliquandiù man-
sit , deindè in Petranum montem, non
longe videlicèt à Monasterio S. Vin-
centii , quod juxta Candilanum con-
stitutum est fluvium, demigravit. Quò-
cumque autem Vir sanctus ibat , sem-
pèr fructificans , sempèr animarum lu-
crum magis , ac magis accumulans , &
homines de sæculo abstrahens , velut
totus in ignem conversus , ad cæleste
desiderium animos hominum accende-
bat , Volens autem tunc locum ad ere-
mum faciendam idoneum invenire ,
præcepit cuidam presbytero , ut ad
domum propriam rediens , sibi , & his
qui eum comitabantur , alimenta de-
ferret , Deindè montem indagine stu-
tudiose pelustrans , postremò quem-
dam monachum juxtà parvam basilicam
habitantem reperit , à quo mōx , ut se-
cūm pergeret , & locum ostenderet ,
ubi aqua inveniretur , exegit . Qui ni-

mi-

mirum denegavit se domum fide custode posse relinquere, quia latronum insidiantium impetum formidaret. Ad hæc Romualdus se recompensaturum, si tale quid accidisset, cuncta spon- dit. Sicquæ jam alienæ injuriæ debitor factus, monachum secum duxit. Illis itaque locum quærentibus. eccè præ- sbyter, ut jussus fuerat, prandium de- ferens, furem jam domum infrigen- tem reperit, repertum coepit, captum usque ad Romualdi reditum custodi- vit. Quem Romualdus inveniens, pri- us illum pia studuit verborum austeri- tate corripere, deindè dulciter admo- nes incolumen permisit ad propria re- meare. Sic nimirum, sic divina pro- videntia servavit illæsum, quod in ab- sentis Romualdi fuerat custodia dere- lictum.

Item miraculum de aliis latronibus.

C A P. XLIV.

Rursus dùm in eisdem partibus cel- las construeret (erat autem sar- cina procul ab eis sub quodam saxo re- posita) tunc Vir venerabilis quemdam
fra-

S. ROMUALDI. 87

fratrem illuc quasi cum quodam impetu propulit, præcipiens sibi, ut nimis anxie festinaret. Qui mox fures supervenientes, illos quidem jam rapere tentantes reperit, sed nihil adhuc ex his, quæ reposita fuerant, deesse cognovit. Quæ ex re rectè colligitur, beatum Virum non sinè divinæ revelationis instinctu fratrem cum tanta sollicitudine destinasse, ipso videlicet puncto, quo fures ad rem non custoditam contigit pervenisse.

Quare, & quomodo S. Romualdus ejus est de Valle de Castro.

C A P. XLV.

Post hæc Romualdus ad Monasterium Vallis de Castro revertitur, moxque Abbatem sic alios regere, ut semetipsum tamèn nequaquam negligeret, exhortatur. Volebat insuper, ut cellam, qua usus fuerat occasione regiminis, non omninò defereret, sed in ea sibimet spiritualitèr vivens, præcipuis tantùm festivitibus fratres admonitionis gratia visiteret. Erat enim beato Viro tam odiosa ista, quam cer-
nimus

nimus , Abbatum conversatio , ut non minùs gauderet , si de manu cuiusque Abbatiam potuisset evellere , quàm si daretur sibi potentissimum , quemlibet sæcularium ad sanctę conversationis ordinem convocare . Sed sicut per Salomonem dicitur : Velut acetum in nitro , ita qui cantat carmina cordi perverso ; ille prædicatione venerabilis Viri de malo deterior factus . Comitissas loci dominans protinùs adiit , & ut ligna , quibus Romualdi cellæ debebant construi , minutatim incidi præciperent , sacrilega machinatione suggestit . Eo itaque modo alta Paradisi cedrus de terrenorum hominum silvis ejecta est .

*De miraculo , quod fecit in Aqua bella ,
curans Præbyterum .*

C A P. XLVI.

INdè verò progrediens non longè ab Apennino monte , in loco , qui dicitur Aqua bella , manere constituit . Illic sanè dùm sæculares quidam cum discipulis ejus habitationum tecta construerent , Romualdus autem , quia jam præ senectute laborare non poterat

&

& solus hospitium custodiret, Presbyter quidam intolerabilem dolorem, in dentibus sentiens, opus ædificii in-
 vitus reliquit, & postulata à fratribus
 licentia, redire domum miserabiliter
 ejulans, cœpit. Cùmque per Romual-
 dum transitum reversionis haberet, in-
 terrogatus cùm abscederet, mōx casum
 suæ passionis innotuit. Huic Romual-
 dus hianti locum, ubi patiebatur, di-
 gito tetigit, dicens. Ignitam, inquit,
 subulam, ne labrum lædat, in cala-
 mum mitte, & hic pone, sic dolor au-
 fugiet, Vix Presbyter unius jugeris
 spatio ultrà progressus est, & confe-
 ssum omni dolore deposito, ad opus,
 quod reliquerat, sanus, & incolumis re-
 pedavit, clavis nimirum vocibus excla-
 mans, & dicens: Gratias tibi agimus,
 omnipotentes Deus, qui regionem no-
 stram splendore tanti sideris illustrare
 dignatus es. Verè Angelus Dei, verè
 Propheta sanctus, & lux magna occulta
 mundo, in finibus nostris apparuit. Hæc,
 & alia multa in Dei laudem vociferans,
 vix à beati Viri discipulis tacere com-
 pulsus est. Nam si talia verba ad Ro-
 mualdi aures qualibet occasione pertin-
 gerent, gravissima cor ejus indignatio-
 ne ferirent.

Item

*Item miraculum de Fago prope cellam
ejus incisa .*

C A P. XLVII.

ALio quoquè tempore dùm in quadam Eremita valdè speciosa , & egregia , cui nomen est Camaldulensis , quam ipse ædificaverat , in cella resideret , magnam aliquam fagum , quæ prope cellam ejus astabat , incidi præcepit . Erat autem fagus ita cellæ acclivis , & imminens , ut juxta humanam opinionem , si eccidisset , totum mōx ædificium indubitanter obrueret . Cùmque operarii vellent jussa perficere , sed ruinam arboris formidarent ; ille , ut nequaquam timeretur , instabat . Itaque cum impactis circumquaque securibus , in ipsa jam arboris viscera veniretur , arbor autem super beatum Virum non jam dubio impetum minaretur , cœpere omnes rogare , & vocibus clamoris vehementer insistere , ut si cellam postponeret , semetipsum exiens conservaret . ille autem nequaquam eorum clamoribus acquiescens , ut cœptum citò perficerent definitè præcepit

S. ROMUALDI. 91

pit , factò signo Crucis contra eam. Postremò fagus gravissimo sonitu corruens ità aliorsum est ex divina virtute projecta , ut cunctis mirantibus , cella omninò remaneret illesa . Omnes igitur tanto obitupescacti miraculo , lætas ad cælum voces tollunt , immensas Deò gratias referunt .

*De ilicè lapsa super rusticum , &
eum non læ dente .*

CAP. XLVIII.

S Ed quid nos de divina circa venerabilem Virum custodia dicimus , cum & alios sæpè per ejus presentiam ex magnis ereptos fuisse periculis , non ignoramus ? Ex quibus videlicet unum hic memorare sufficiat , ut plures fuisse prudens lector agnoscat . Aliquando namquè ipse cum operariis manens nimix magnitudinis Ilicem , in montem Petrano faciebat incidi . Quæ videlicet arborin prærupto montis declivio pendens , in ima vergebat . Rusticus autem quidam paulò inferiùs stabat . Cùm igitur præcisa arbor graviter curruens , per duexum mon-

montis volueretur in præceps, mōx repertum rusticum repentino impetu cœpit ad inferiora rotare . Cuncti protinūs dolentes exclamant , & jam non solum esse hominem mortuum , sed totum quoquē dilaceratum ejus corpus existimant . Sed mira divina virtus, itā mōx sanus , & in columis repertus est, ac si sup̄ eum non arbor , sed arboris folium cecidisset . Hinc jure penditur sancti Viri meritum , quantum apud Deum pondus habuerit , in cujus conspectu gravissima arboris moles pondus habere nescivit .

De contumelia , quam passus est à suis discipulis in Sytria .

C A P. XLIX .

Postmodum verò Romualdus cū Apenninum desereret , montem Sytriæ habiturus ascendit . Cavendum autem summoperè est , nè quis cū audierit , quia Vir sanctus tot loca mutaverit , pii operis pondus vitio levitatis adscribat. Hæc nempè mutationum ejus causa proculdubiò fuerat , quia ad venerabilem Virum , ubicumquē degeret ,

ret, turba hominum pæn: innumera-
 bilis concurrebat: Ratio ergò posce-
 bat, ut cùm unius loci spatium plenum
 habitatoribus cerneret illic Priore con-
 stituto, ad replendum mōx aliud festi-
 naret. In Sytria verò quòt contumeli-
 as, quòt scandala à suis discipulis pas-
 sus sit, non est nostræ facultatis evol-
 vere. Ex quibus videlicèt unum hìc
 ponimus, cætera brevitatis studio præ-
 terimus. Habebat namquè quemdam
 discipulum. Romanum nomine, qui
 nobilis quidem fuerat genere, sed
 omninò degener actione. Hunc itaque
 Vir sanctus cùm pro suæ carnis immun-
 ditia non modo verbis argueret, sed
 sæpè etiam verberibus gravissimis coer-
 ceret, ausus est diabolicus vir titulum
 illi ejusdem reatus opponere, & impu-
 dentè contrà sancti Spiritus templum
 sacrilego ore latrare, dicens videlicèt,
 sanctum Virum unà secum ex eadem
 contagione peccasse. Mōx itaque dis-
 cipuli omnes adversus eum irati, omnes
 infesti, alii clamant, senem impium
 laqueo debere suspendi; alii dignum ju-
 dicant cum ipsa cellula ignibus concre-
 mari. Quod utiquè valdè mirabile fuit,
 præsertim spirituales viros ex decrepi-
 to

to senè , & ultrà quàm centenario, tàm nefarium scelus credere potuisse : cui etiam si voluntas adesset, natura tamen, & frigidus sanguis , & ariditas attenuati corporis hoc penitùs denegaret. Sed credendum est proculdubi , ad augendum sancti Viri meritum , hoc sibi tàm gravis adversitatis cælitus accidisse flagellum . Nam , & ipse assererat , hoc in Eremito , undè nuper abscesserat agnovisse , & ad hoc dehonestatis improperium subeundum alacriter advenisse . Ille autem sarabaita reprobus , qui sancto Viro crimen intenderat , Episcopatum postmodum Nucerinum , per Simoniacam hæresim acquisivit , & per biennium illum occupans , in primo anno incensam ædem cum libris , & tintinnabulis , ac cæteris sacris ornamentis , exigentibus suis meritis, vidit ; in secundo autem dignitatem cum vita , divina illum feriente sententia miserabiliter perdidit.

*De divina Jussione ad S. Romualdum, ut
Missam celebraret, & Psalmos
exponeret.*

C A P. L.

IMposuerunt itaque discipuli sancto
Viro, quasi de omisso crimine pæ-
nitentiam, & celebrandi sacra myſteria
penitus abſtulere licentiam. Quod ille
præjudicium libentè amplectens, &
pænitiâ velût revera obnoxius cri-
minis observavit, & ad sacroſanctum
altare per ſex ferè menses accedere non
præſumpſit. Tandem verò, ſicut ipſe
poſtmodum eiſdem ſuis diſcipulis retu-
lit, diminutis ſibi juſſum eſt, ut ſi divi-
nam timeret gratiam perdere, jam in-
diſcretâ ſimplicitatem omninò poſt po-
neret, & ſacra Miſſarum ſolemnia fidu-
cialitè celebraret. Poſtera igitur die
ſacrificare incipiens, cùm ad ſecunda
Miſſæ ſecreta perventum eſſet, in ex-
taſim raptus, tam longo temporis ſpatio
ſilvit, ut omnes, qui aderant, miraren-
tur. Interrogatus autem poſtmodum,
cùm in offerendo Sacrificio tantas moras
præter ſolitum habuiſſet; reſpondit,
Rap-

Raptus , inquit , in cælum oblatus sum
 aute Deum , & continuò mihi divina
 voce præceptum est , ut secundum hunc
 intellectum , quem mihi Deus immisit ,
 Psalmos exponerè , & pro modulo mei
 sensus chartulis per ordinem commen-
 darem. Ego autem nimio , & inenarrabili
 terrore constrictus , respondere nihil a-
 liud potui , nisi tantummodò , fiat , fiat.
 Vndè postea Vir sanctus totum Psalteri-
 um , & nonnulla Prophetarum Cantica
 luculentè exposuit : & licèt corrupta
 grammaticæ regula , sanum tamen sen-
 sum ubiquè servavit .

*De anima S. Romualdi , quæ delata est
 ante Deum , candida velut nix .*

C A P. L I.

INterogaverunt eum aliquandò disci-
 puli , dicentes : Magister , cujus es-
 se ætatis anima cernitur , vel in qua fi-
 gura ad iudicium præsentatur : Respon-
 dit : Scio hominem in Christo , cujus
 anima delata est antè Deum splendida
 velut nix , humana quidem effigie , sta-
 tura verò perfectæ ætatis . Inquisitus
 iterum , quis ille esset , indignans , &
 con-

confundens eos , dicere noluit . Mox discipuli rem ad eum , ut veractièr erat intèr se invicem referunt , & ipsum fuisse hominem certa manifestatione cognoscunt.

De nimia districtione vitæ , quam in Syritenuita ,

CAP. LII.

IN Sytria deniquè Vir venerabilis per septem ferè annos inclusus mansit , & silentium continuum inviolabiliter tenuit. Veruntamen tacente lingua , & prædicante vita , vix usquam tantum laborare aliquandò potuit , vèl in convertendis hominibus , sive ad penitentiam concurrentibus . Vivebat autem , vergente jam senectute , nimis districtè , videlicèt cum jam , & ipsi perfecti viri solent remissius vivere , & aliquid sibi de sui propositi rigore laxare. Nam per unius Quadragesimæ spatium nihil aliud neque in cibo , neque in potu penitus habuit , nisi de modica farina , & paucis herbis sorbitiunculam faciens , ex ea ad imitationem Hilarionis vixit. Quinque verò hebdomadibus nihil ali-

E

liud

liud comedens , ad modicum se infusi-
ciceris astringit . Et ità Romualdus per
multa alia vivendi genera, quid sua vir-
tus posset, per hæc, & illa se jugiter ex-
ercendo , tentabat . Studebat quippè
discretus Christi miles ad nonum se
certamen semper accingere , & cum
jam jam cadere videretur , adhibita
mòx misericordia , vacillans corpuscu-
lum relevare. Duo autem , vèl etiam
tria , quandoquè habebat cilicia pro-
pter nascentem corporis importunita-
tem. quæ lavari nullatenus permitebat,
sed ea potius ad imbrem proijciens ,
post triginta dies mutare consueverat.
Novaculum autem numquàm in su-
um caput patiebatur ascendere , sed
ipse sibi perraro solebat excrementa
capillorum , & barbæ forcipibus at-
tondere . Si quandò verò eum ex ali-
quo esculentiori cibo gulæ vitium titil-
laret , mòx accuratè illum præparari
præcipiens , ori, & naribus apponebat.
& solùm captans odorem , dicebat : O
gula , gula , quàm dulcis , quàm suavis
modò tibi saperet iste cibus, sed vòh tibi
ex eo numquàm gustabis : & sic intactum
ad cellarium remittebat .

De miraculo , quo Gregorium insufflando sanavit .

C A P. LIII.

SEd quamquàm Vir sanctus tantam
 ergà se servaret austeritatem , sem-
 per tamen hilarem vultum , semper se-
 renam faciem ostendebat . Nàm frater
 quidam , Gregorius nomine , gravissi-
 mum capitis dolorem se perpeti aliquã-
 dō conquestus est . Qui cū ad beati
 Viri cellulam , ubi & alij frates tūc
 erant , cum nimia lamentatione venis-
 set , mōx ut eum Vir venerabilis vidit,
 hunc dolorem ne quaquàm humorum ,
 inæqualitati , sed insidijs antiqui hostis
 indubitantèr ad scripsit , & mōx quasi
 deridens eum , ut erat sēper alacri vul-
 tu , per fenestram cellulæ sibi insuffla-
 vit in frontem , & ut cæteri omnes , qui
 aderant , similiter facerent , junxit . Hoc
 autem factō , ita sanatus est , ut nullum
 pēnitūs sentiret in suo capite doloris
 remansisse vestigium . Arbitror , quòd
 idcirco Vir sanctus hoc facere voluit ,
 quia per Spiritum sanctum , qui in ejus
 pectore præsidebat , effugandum esse
 iniquissimum hostem doloris immissorē

credidit. Ad evitandam verò propriam laudem, & ludum finxit, & socios quaesivit. Nam, & Redemptor noster insufflasse legitur; cum Spiritum sanctum Apostolis dedisse, perhibetur.

De insano, quem osculo curavit.

C A P. LIV.

V Ir quidam capitis patiebatur insaniam, ita ut sensu rationis amisso, vel quid ageret, vel quid diceret, funditus ignoraret. Huic Romualdus nihil aliud fecit, nisi solummodò osculum, præbuit, & protinùs illum ad incolumitatem pristinam revocavit: & cum in quieto homine dum pacem fecit, ad mentis eum suæ pacem reduxit. Reserebat autem postmodum ille, qui curatus fuerat, dicens: Quia cum sacra beati Viri labia tangere merui, statim prodire ex ore ejus quasi vehementis auræ spiritum sensi, qui totam faciem meam, & ipsum deniquè sinciput perflans, omnem cerebri æstuantis ardorem protinùs effugavit.

Item

Item de Gregorio , quem de gravi morbo aqua frigida liberavit .

CAP. LV.

ALio quoquè tempore idem , qui supra , Gregorius , tam virosam , & marcidam tollerabat in crutibus scabiem , ut jam ex elephantia morbo crederet tam gravem prodire tumorem . Huic Romualdus hoc præcipuum medicinæ genus indixit videlicet , ut crura per tres dies frigida aqua perfunderet , promittens , quia hoc modo sanitatem pristinam recuperaret . Quod tamen ille adimplere studuit , nimirum , magis necessitate jussionis , quam recipiendæ fiducia sospitatis . Mirum satis . & solùm divinæ potentia referendum , Confestim tibiæ tumor deponitur . Virus omne necatur , & penitus omni languore deposito ; frater sanus , per omnia redditur . Credi ergo rationabiliter potest , quia eodem Spiritu Romualdus discipulo , ut tunc aquis tumens crura perfunderet , iussit , quò Elias Naaman leprosum lavari septies in Jordane mandavit .

*De discipulo , quem Romam euntem per
spiritum cognovit , & de illo , qui
sibi derogans reclusorium fregit.*

C A P . L V I .

Nonnulli tamèn , carnales videlicèt homines , cùm malitiosè reprehendere , & ejusdem dicta , vel facta non timebant levitatis vitio deputare . Quidam namquè ejus discipulus in alia procul Eremo morabatur , qui propinquorum necessitati aliquandò condescendens , pro eorum utilitate , tandem velut invitùs Romam ire quadagesimali tempore acquieuit . Quod mòx Vir sanctus per Spiritum recognoscens , velut indignans scripsit astanti cuidam fratri , quod videlicèt ille bonus Vir pro hujusmodi negotio Romam ire præsumpsit . Ille autem admirans , undè hoc Magister agnosceret , cum quo videlicèt nemo aliundè veniens , colloquium habuisset , rem sollicitè perquisivit , & ita esse , sicut Vir venerabilis dixerat , comprobavit . Pergit ille ad alium suum condiscipulum videlicet Ingelbertum , qui inclusus manebat , &
Ma-

S. ROMUALDI. 103

Magistrum hæc dixisse , & sinè dubio prophetiæ Spiritū habere prorsus affirmat . Ille autem detestans , & penitùs denegans fratrem corripuit , & quia hoc falsum esset , imprecationi se vinculis obligavit , dicens : Si ille , hoc per prophetiæ Spiritum , & non magis per diabolum dixit , non me omnipotens Deus in hoc reclusorio perseverare permittat . Dictum , factumque est . Nam vix paucis diebus transactis , Ingelbertus . fracto reclusorio , sinè Magistri licentia abiit , & eum in hac vita , sicut dicitur , nunquam ulterius vidit .

*De Gaudentio , & Berardo , & monacho
sanato .*

C A P. LVII.

Alius frater Gaudentius nomine , Abbatis videlicet hujus Monasterij S. Vincentij pater , cum magno fervore conversus , ardentiori postmodum spiritu in Dei est servitio conversatus . Hic aliquandò à B. Romualdo licentiâ petijt , quia vellet cuncta jam pulmenta dimittere , & pane cum aqua contentus , pomis quoque , sinè crudis oleribus

bus victitare . Hoc igitur impetrato ,
cum in eodem proposito infatigabiliter
permaneret . Tedaldus quidam alius
frater infirmitati illius indiscretè com-
patiens , adire Magistrum studuit , &
quia frater ille tam grave pondus por-
tare non posset , & hanc ejus obstina-
tionem frangi omninò debere , sugges-
sit . Romualdus autem , ut putà Vir
simplicis animi , Tedaldi verbis assen-
sum dedit , & Gaudentio talis vitæ li-
centiam abstulit . Ille verò graviter
ferens , nequaquam amplius cum Te-
daldo in Eremo , in qua eos Romual-
dus posuerat , passus est habitare : sed
Ingelberto , qui à Romualdo disjun-
ctus fuerat , se subdidit , & ab eo con-
sensum prædictæ conversationis accepit .
Hic itaque Gaudentius non multo post
tempore defunctus est , & in cemeterio
B. Vincentii juxta corpus Berardi ve-
nerabilis Viri , qui æquè Romualdi
discipulus fuerat , est sepultus : Ro-
mualdus autem quia ille in prævarica-
tione inobedientie vitam finierat , ora-
tionem pro eo fieri penitus interdixit .
Aliquantò autem post tempore mona-
chus quidam prædicti Coenobii dum
matutinam synaxin cum reliquis fratri-
bus

bus celebraret, repentinè tantum acrem dolorem sentire in dentibus coepit, ut jam in choro ad psallendum stare omnino non posset. Qui protinus exiens, super sepulchrum se Berardi, atque Gaudentii lamentando jactavit, & mediam sibi per eos provenire sperans, medium se inter utrumque constituit: dumque ibi aliquandiù jacens oraret, mox eum somnus oppressit. Illicò sanè videt Berardum sacerdotalibus ornamentis splendidissimè decoratum, tinentem in manibus librum aureis litteris scriptum, ante altare scilicet stantem, & Missarum solemniam celebrantem. At cernit Gaudentium moerentem, tristem, demisso vultu, post tergum Berardi procul assistere, & velut excommunicatum sacris appropinquare mysteriis non audere. Qui mox locutus est ei, dicens: Vides, inquit, frater, illum Berardi librum mirabiliter deauratum? Ego quoque talem per omnia nunc haberem, nisi illum mihi, heu, heu, Tedaldus monachus abstulisset. Statimque frater evigilans, sanus, & incolumis, fugato omni dolore, surrexit. Deinde lætus visionem suam fratribus per ordinem retulit. Quod Ro-

romualdus audiens , illicò præcepit fratribus , ut jam Gaudentio fraternam , charitatem impederent , atque pro eo enixiùs orarent . Undè non sinè ratione colligitur , quod ille , qui privatus societate Romualdi , librum , quem meruerat , perdidit , jam ejus gratiæ restitutus , & orationibus sublevatus , eundem librum recuperare meruit : & quem Tedaldus nonnisi per Romualdū abstulerat , jam Romualdus orando pro illo cum omnibus simul fratribus reddat .

De discipulo in lecto S. Romualdi à demonibus verberato.

C A P. LVIII.

ALiquandò Vir venerabilis cujusdam causa necessitatis in viam ire disponens , uni discipulorum celam commisit , & usquè ad suum reditum in ea illum manere præcepit . Ille verò temerarius , dum debiti honoris reverentiam Magistro non servat , audacter in ejus stratum jacere non dubitat . Eccè autem in ipsa nocte maligni spiritus super eum immaniter irruunt

ruunt, gravissimis eum verberibus atterunt, & projectum delecto pœnè seminecem derelinquunt. Meritò namquè tàm superbos suæ offensionis ultores pertulit, qui in talem virum postposita humilitate peccavit: & dùm pio Magistro non exhibuit reverentiam, ex duris, & impiis sensit manibus disciplinam. Similitèr quoquè postmodùm, venerabilis Vir iter acturus, alium in eadem cella discipulum dereliquit. Cui cum discipulus diceret. Magister ego in lecto tuo non jaceo, quia quod alii contigit, mihi etiam consequentèr evenire formido. Ille respondit: Fili mi, jace, & dormi securus: ille enim in eo recumbans, idcirco in manus inimicorum incidit, quia parvitatì meę licentiam non accepit, tu autem accepto consensu, in Deo spem pone, & sine pavore quiesce. Qui videlicèt in eo, sicut jussus fuerat jacuit, & nullius omninò causam adversitatis incurrit.

*De muliere in amentiam versa , & S.
Romualdi benedictione sanata.*

C A P. L I X.

SÆcularis quidam vir, Arduinus nomine, Romualdo se ad suspiciendum sanctæ conversationis habitum tradidit: deindè domum, ut sua quæque disponderet, remeavit. Cùmque eum uxor sua venientem vidisset, fœmineo nimirùm furore succensa, exclamavit adversus eum, dicens: Sic bone vir, ab hæretico illo, & antiquo seductore nunc venis, & me miseram, & destitutam omni humano solatio derelinquis? & hoc dicto, protinùs in amentiam vertitur: & ita furere, & conquassari cœpit, ac si patentèr à dæmonio vexaretur. Habebat autem Vir sanctus hujusmodi consuetudinem, ut si quando fratres in viam dirigeret, benedictionem illis, sive pomum, seù quodcumque aliud daret. Undè discipuli, ut experti multoties fuerant, certum tenebant, quod si ex benedictione Magistri cuilibet agroto porrigerent, ad salutem illum incolumem

revocarent. Nam & ex aqua, unde manus ejus abluebantur, plures languidi sæpè restituti sunt sanitati. Quo d tamèn cautissimè oportebat fieri, nè si Vir sanctus hoc aliquatenùs deprehenderet, in gravissimam tristitiam deveniret. Cùm igitur diù jam foemina miserabiliter vexaretur, quidam fratres, qui aderant, de benedictione panis, quam à Magistro susceperant, ei particulam tradiderunt. Deindè cum hoc mulier comedisset, mòx mente sedata à omni redditur insanix furore liberrima. Quæ protinùs omnipotenti Deo, & Romualdo famulo ejus recuperatæ sanitatis gratias retulit, & Viro suo conversionis licentiam ulteriùs non negavit.

De Dæmoniaco ab eo curato.

C A P. LX.

ALio quoquè tempore puer qui dam dæmoniacus ad beatum Virum delatus est. Cui ille nihil aliud fecit, nisi pro benedictione sibi panis particulam tradidit. Qua mòx puer ille refectus, confestim est a demonio liberatus. Jure quip-

NO V I T A.

quippe postquam benedictio Romualdi male possessum corpus intravit, inde confestim malignus spiritus cautheria-
tus exiit.

*De diabolo, qui S. Romualdo mortem
minatus, cellæ parietem fregit.*

CAP LXI.

NUmquam tamèn diabolus à sancti
viri poterat impugnatione quies-
cere. Et quia occulta jam aduersus eum
fraude nil poterat, non cessabat virus
sue malitiæ visibilitèr demonstrare. A-
liquandò namquè Vir venerabilis dùm
in cella consisteret, eccè malignus spi-
ritus, ut est revera teterrimus, hispi-
dus, horribilis, immensum coepit
sancto Viro terrorem in cutere, & cum
nimio furoris impetu mortem sibi mini-
stans intentare. Cùmque Romualdus
auxilium de cælo impeterritus, quæ-
reret, & ut sibi Christus succurreret,
fiducialitèr exclamaret, mòx antiquus
hostis aufugiens, ipsum cellæ parietem
tanto iracundiæ felle percussit, quod
gravem fagi/tabulam unius cubiti spa-
tio, vèl eò ampliùs fidit. In habitacu-
lo

S. ROMUALDI. 111

lo igitur patentèr ostendit , quantà adversus habitatorem flamma crudelitatis exarsit , & quodammodò scriptum reliquit in pariete , quod occultum gerebat in mente .

Item de diabolo , qui exterruens equum , S. Romualdum mergere voluit .

C A P. LXII.

A Liquandò etiam dùm venerabilis Vir cum suis discipulis equitaret , eccè malignus spiritus rubei canis effigiem simulans cum magno impetu obviam irruit , & æquum , cui insidebat , ità ut pænè Vir sanctus mergeretur , exterruit . Interrogati discipuli si eum vidissent ; exhorrescentem quidem equum conspexisse se asserunt , sed nil tale eis apparuisse testantur . Ille verò ait : Miser ille , qui olim præclarus Angelus fuisse cognoscitur , nunc se in immundi speciei canis ostendere non veretur .

Item

Item de diabolo , qui orta inter discipulos S. Romualdi discordia, vegetem percutiebat.

C A P. LXIII.

Rursus alio tempore cum Monasterium Ancillarum Dei , quod est in valle bona , constituere decrevisset, discordia mox inter sancti Viri discipulos oritur, quia videlicet alii nolunt, alii verò , ut fieret, vehementer insistant. Cumq. ante venerabilem Virum utraq. dissidentium partes diversa, utentes allegatione contenderent, coepit diabolus antè portellam cellæ quasi malleo vegetem sine cessatione percutere , & per reboantem silvam crebris audiebatur tusionum ictibus intonare. Deindè cum jam omnes unanimiter Monasterium fieri concordassent, eccè malignus spiritus, cunctis audientibus, ululare, plorare, & flebiles non cessabat voces emittere. Postremò autem, cum jam divisi ad suum quisque reverteretur hospitium, prosequebatur eos antiquus hostis cū tanta tempestate, & turbine, ut quasi omnia ventorum genera

S. ROMUALDI. 113

nera commovens , totam silvam radicatus evellere putaretur . Quidam verò fratrum increpans eum dixit : Præcipio tibi in nomine sanctæ Trinitatis , immuude spiritus , ut desinas venire post nos . Et ita fugatus est . Jure quippe auctor discordiæ , composita pace , compulsus est in fletum prorumpere , qui prius audiebatur crescente rixa gaudere ; & qui tunc quasi circulum vacui vasis abstrahere , & partes , quibus compactum fuerat , dissipare tentavit , constrictis jam in vinculo pacis , & charitatis compage discipulis , tristis abscessit .

*De districta vita, quæ tunc in Sytria
ducebatur.*

C A P. LXIV.

T Aliter autem in Sytria vivebatur , ac si ex similitudine non solum nominis , sed etiam operis , altera denudò Nitria videretur , omnes siquidè nudis pedibus incedentes , omnes inculti , pallidi , & nimia omnium rerum extremitate contenti . Nonnulli verò damnatis januis clausi , ita mortui videban-

debantur mundo , velût in sepulchro jam positi , Vinum ibi nemo noverat , nèc si etiam gravissimâ quisquis ægritudinem pateretur . Sed cûr ego de monachis loquor , cum & ipsi monachorum famuli , ipsi quoquè custodes pecorum jejunarent , silentium tenerent , disciplinas inrèr se invicèm facerent , & de quibuslibet verbis pænitentiam flagitarent ? O aureum Romualdi sæculum , quod & si tormenta persecutorum non noverat , spontaneo tamen martyrio non carebat ! aureum , inquam , sæculum , quod inter montium , & silvarum feras tot cælestis Hierusalem cives alebat . Cûm vero ibi fratres jam tanti essent , ut omnes illic habitare vix possent , tunc Romualdus , Monasterio ibi constructo , & Abbate præposito , inviolatum servans silentium , Bifurcum secessit ad habitandum . Illic etiam volens Abbatem spiritualiter vivere , & rectitudinis vitam tenere , multam ab eo passus est persecutionis injuriam .

*De prophetia S. Romualdi, & colloquio
ejus cum Henrico Rege.*

C A P. LXV.

INtereà Imperator Henricus de ultramontanis partibus in Italiam veniens, misit beato Viro deprecatoriam legationem, ut ad eum venire dignaretur, promittens se facturum quæcumque præciperet, si suum ei colloquium non negaret. Cùmque venerabilis Vir prorsus abnueret silentium frangere, cæperunt omnes discipuli unanimiter illum obsecrare, dicentes: Magister vides, quia nos, qui te sequimur, tanti jam sumus; quod hic congruenter habitare non possimus; vade ergò, si placet, & imperatori magnum aliquod Monasterium quære, & multitudinem te sequentium ibi constitue. Quibus Vir sanctus, nescio. si accepta jam revelatione, aut subita Dei inspiratione fidenter scripsit: Scitote, quia Montis Amiati Monasterium ex dono Regis habebitis: considerate tantummodò, quem illic Abbatem constituere debeatis. Igitur inviolato silentio perrexit
ad

ad Regem . Cui Rex protinùs assurgēs ex magno cordis affectu in hanc vocem erupit , dicens : O utinàm anima mea esset in corpore tuo . Quem mòx , ut loqueretur , suppliciter obsecrans , ipso die hoc impetrare non potuit .

Postera autem die , Romualdo ad palatium veniente , ecce Teutonico-
rũ multitudo certatim hinc indè concurrunt , capita salutantes humilitèr flectunt , villos quoque pelliceæ vestis , qua erat indutus , anxie decerpentes , pro sacris reliquijs in patriam portaturi , studiosè recondunt . Quæ videlicèt res venerabilem Virum tanto mœrore dejecit , ut nisi discipulis obstantibus acquiesceret , ad cellam protinùs repederet . Ingressus igitur ad Regem non pauca sibi locutus de restituendo jure Ecclesiarum , de violentia potentum , de oppressione pauperum , & post multa unum sibi prò suis discipulis Monasterium petijt . Cui postmodum Rex Montis Amiati Monasterium tradidit , & Abbatem , quia multis erat malis obnoxius , foràs ejecit . Ubi Vir sanctus quanta adversa perpeffus sit , non solum ab eo , qui ejctus fuerat , sed etiã ab illo , quem ipse ex suis discipulis

Ab-

SI ROMUALDI 117

Abbatem constituerat, ille quidem perferre patientissime potuit; nos referre, etiam si adesset facundia, non valemus. Sed qualiter illum Deus in cunctis adiuerit, uno exemplo monstrare sufficiat, ut prudenti cuilibet, quid etiam in reliquis eueniret, innotescat.

De monacho, quem diabolus strangulare cepit, sed S. Romualdus eripuit.

C A P. LXVI.

Monachus quidam vesano adversus eum furore succensus, pilum latenter exacuit, & eum reponens, ut beatum Virum interficeret expectare congrui occasionem temporis coepit, Nocte vero dum depressus sopore quiesceret, ecce videt malignum spiritum in se immaniter irruentem, qui retortam in collum ejus mittens, tanta ferocitate conabatur guttur ejus astringere, ut jam ille cogeretur funditus expirare. Tunc monachus in externo jam spiritu positus, Romualdum, ut sibi succurreret, obsecravit. Qui, ut monacho videbatur, proinus advolans, de manibus eum iniqui hostis eripuit. Hic
igi-

igitur mox expectatus, ad pedes venerabilis Viri prostratus advolvitur, ut allisionem cervicis aspiciat, deprecatur: confiteri etiam crimen suæ malitiæ non veretur. Postremò conservatæ vitæ sibi gratias retulit, & pænitentiam tanti reatus accepit. Et ita qui Romualdo vitam insidiatur eripere jam per eundem sanctissimum Virum, & suam meruit conservare, & cui inferre mortem studuit, punitum suæ periculum, mortis evasit.

De S. Romualdo, qui circumclusus aquis, cibum sibi deferendum calitus agnovit.

C A P. LXVII.

H Abebat autem Sanctus consuetudinem, cum Monasterium tene-
ret, ut nisi cum jejunaret, ad communem mensam cū fratribus quotidie veniens, unum quidam pulmentum comederet, postmodum verò lectioni, vel quid etiam apud unumquemque ageretur, intentus, de reliquis non gustaret. Quadragesimali verò tempore, nisi necessitate inevitabili cogeretur, in cellula jugiter morabatur. Dùm igitur
præ-

S. ROMUALDI. 119

prædictum Coenobium Vir beatissimus
regeret , quadragesimali jam propin-
quante jejunio , quærebat cum discipu-
lis per vicina montium loca , ubi Ere-
mum facere potuisset . Dùmque longas
in quærendo moras protraherent , re-
pentè aquis undiquè circumfluentibus
ita conclusi sunt , ut nè ipsi jam redi-
re, nè de Monasterio quisquam ad eos
posset aliquatenùs transvadare . Vive-
bant autè ex aliquantis castaneis, quas
secùm detulerant . Cùmque dies Do-
minicus advenisset , & alia cibi spes
nulla jam sup:resset , coeperunt fratres
pauculas , quæ remanserant , castaneas
deglovere , & jam quodàmmodò dubi-
tantes ultimum ex eis convivium præ-
parare . Romualdus autem , ut erat
sempèr alacri vultu, fidentèr ait , quia
nisi Deus sibi panem per aliquem mit-
teret , ipso die nullatenùs manducaret.
Discipuli verò mirantes intèr se , in-
qua spe hoc ille præsumeret certi tamè,
quia Magister incautè aliquid vovere
non posset , cibum jam tantæ solemni-
tati congruum coeperunt fiducialitèr
expectare . Sæxta igitur diei hora jam
propinquante , eccè tres viri onusti
pane , & vino , & aliis cibis adveniunt,
qui

qui se dè longinquis partibus cum multo labore pèrvenisse dicunt . Tunc itaque spiritali omnes repleti gaudio , benedicentes Deum , paritèr cibum sumunt : & beatum Virum per revelationem hoc cælitùs agnovisse , indubitan- tè agnoscunt .

*De pisce , qui inventus est in arenâ rivo
meritis S. Romualdi .*

C A P. LXVIII.

QUodam tempore venit Vir vene-
rabilis Sytriam . Qui cùm adhuc
jeunius esset , & fratres utpotè in ar-
duis montibus piscem , quem ei ad co-
medendum apponeret non haberent ,
coeperunt intèr se quodammodò confu-
si erubescere , & quid pro tam venera-
bili hospite acquirere potuissent , anxie
cogitare . Tunc frater quidam , puto ,
divinitus inspiratus , ad siccum panè ri-
vum , qui juxtà præterfluebat , cum fe-
stinatione cucurrit : ubi nimirum &
aquæ exiguum erat , piscis verò illic
visus numquàm penitùs fuerat . Cæpit
itaquè frater Deum devotè deprecari ,
ut qui Israelitico populo aquam potuit
ex

S. ROMUALDI. 121

ex arida petra producere , ipse sibi dignaretur piscem in arenti rivulo demonstrare . Confestim igitur , missa manu in exigua aqua , piscem reperit , qui beato Viro ad refectiorem abundanter sufficere potuit . Deo scilicet servo suo providente convivium , inventum est in saxoso , & arido monte , velut in piscosa valle , vivarium . Sed quia de vita beati Viri hæc , quæ nimirum pauca de multis dicta sunt , sufficere credimus , jam ad transitum veniamus .

De transitu S. Romvaldi .

C A P. L X I X .

VIr denique sanctus per multa alia habitavit loca , multa alia præcipue à suis discipulis perpeffus est mala , plura quoque per eum sunt facta miracula , quæ nos describere ideò prætermittimus , quia longioris styli prolixitatem vitamus . Post cuncta igitur habitationum suarum loca , cum jam finem suum imminere conspiceret , tandem ad monasterium , quod in valle de Castro construxerat , rediit , ibique propinquantem obitum indubitanter expectans ,

F

cel-

tellam sibi cum Oratorio ædificari, in qua recluderetur, & silentium usquè ad mortem servaret, instituit. Sanè viginti annis antè finem vitæ suæ, discipulis suis manifestè prædixerat, quia in prædicto monasterio oporteret eum quiescere, nulloque astante, vel funeri exequias dependente, expèdieret eum spiritum exhalare. Facto itaque reclusorio, cum mens ejus in eo esset, ut mòx includi deberet cœpit corpus ejus magis, magisque molestis ingravescere, & deorsum jam velut non tam languore, quam decrepiti longævitate senij declinare. Nàm à medio ferè anno nimia sibi flegmatis abundantia cum ipso læsi pulmonis marcore defluxerat, & gravi eum tussis anhelatione vexabat. Non tamen proptèr hoc Vir sanctus, vel læcto decumbere, vel in quantum possibile erat soliti rigorem jejuniij acquieverat relaxare. Quadam igitur die cœpit paulatim corporis virtute destitui, & ingruente molestia graviùs fatigari. Sole itaque jam ad occasum vergente, præcepit duobus fratribus; qui astant, ut foràs exirent, cellulæ post se januam clauderent: celebraturi verò sibi matutinos hymnos ad eum diluculò remearent

arent. Cùmque illi de ejus fine solliciti velût inviti exirent, non statim ad quiescendum properant, sed nè Magistrum obire contingeret, anxii, pretiosi thesauri talentum propè cellulam latentes observant. Aliquandiù igitur commorantes, cùm deinceps curiosis auribus attentius auscultarent, & nequè motum corporis, nequè sonum, vocis audirent, jam quod evenerat, veraciter opinantes, impulsa janua, velociter irruunt, lumen accendunt: & beata anima in cælum rapta, supinum jacere sanctum cadaver inveniunt. Jacebat itaque velût neglecta tunc, cælestis margarita, in summi postmodum Regis ararium honorificè reponenda. Nimirum qui sic obiit, ut prædixit, illuc transivit, quò speravit. Vixit autem Vir beatissimus centum viginti annis, ex quibus viginti expendit in sæculo, tres duxit in monasterio, nonaginta septem in eremitico transegit proposito. Nunc igitur inter vivos cælestis Hierusalem lapides ineffabiliter rutilat, cum ignitis beatorum Spirituum turmis exultat, candidissima stola immortalitatis induitur, & ab ipso Rege Regum vibrante in perpetuum diademate coronatur.

*De dæmoniaco per particulam cilicii
ejus sanato.*

C A P. L X X.

Post sacratissimum autem Viri Venerabilis obitum , quanta miraculorum signa per eum Deus ostenderit , quis quæret transacta legere , cùm frequentèr valeat , & nova videre ? Quia igitur ea , quæ apud sepulchrum ejus sunt , miracula tanta sunt , ut melius putemus cuncta silentio præterire , quàm pauca narrare ; duo solummodò , quæ per eundem beatissimum Confessorem alibi facta sunt , sufficiat nobis exponere . Deniquè frater quidam , qui sancti Viri discipulus fuerat , parvam , basilicam pro anima sua Monasterio dederat , ad quam videlicèt basilicam extremitatem manicæ præscissam ex beati Viri Cilicio misit , & sub altari honorificè recondi præcepit , Quam , tamèn gerulus sub altari , sicut jussus fuerat , collocare neglexit , sed missam in rima parietis in cautè dereliquit . Factum est postea , ut dæmoniaco quidam ad prædictam duceretur Ecclesiam .

Cum-

Cūque astans in medio hūc , illūque rotans caput , cuncta undique circumspiceret, tandē tornos oculos in ipsum parietem terribiliter cōepit infigere , & intentūs illūc ubi sancti Cilicii jacebat particula , crebris non cessabat vocibus exclamare : Ille me eiicit , ille me eiicit , & ita clamans , protinūs ab eo expulsus est. Hinc ergō jure perpenditur , quid per semetipsum apud divinam clementiam impetrare non possit antē cujus brevissimam vestimenti particulam dæmon stare non potuit ; & qui talia absens exhibet , quid per corporis præsentiā non exercet ?

De villico, qui vaccam rapuit, & statim extinctus est.

CAP. LXXI.

ALio quoque tempore Castaldius quidam pauperculæ mulieri vaccam violentē abstulit , & eam vociferantem , multisque præcibus obsecrantem , audire contempsit . Illa protinūs accurrens , duos gallinarum pullos ad Ecclesiam , quam supra memoravimus , detulit ; & eos secum ante altare profer-

ciens , hujusmodi verbis clamare flebilitèr capit . Hè m S. Romualde, exaudi miseram nè despicias desolatam, & redde mihi gubernatricem meam injustè sublatam , mira res, vix adhuc Villicus cum ipsa rapina à domo mulieris abierat , & continuò emissionè sagittæ percussus , vaccam in eodem loco dimisit , deindè domum perveniens, protinùs expiravit .

De corpore S. Romualdi sano post quinquennium invento .

C A P. L X X I I .

P Ost quinquennium verò à sancti Viri obitu data Monachis ab Apostolica Sede licentia , ut supra venerabile corpus ejus altare construerent , Azo quidam frater silvam petijt , quatenùs modicam capsam faceret , quæ sancti Confessoris ossia & pulverem tantumodò capere potuisset . Nocte igitur insecta dormienti cuidam fratri , venerabilis quidam Senex apparuit , quem protinùs interrogans, ait: Ubi est huius Monasterij Prior? quod cùm ille se scire negaret, illicò senex addidit: Pro
fabri-

fabricanda inquit, capsula ire in silvam
 studuit, sed beati Viri corpus in tam
 exiguum vasculum non intrabit. Poste-
 ra igitur die Prior, composita capsula,
 revertitur, & mox à fratre, qui visio-
 nem viderat, quæ illum causa ad silvã
 invitasset, inquiritur. Quod cum ille
 velut labore defessus dicere noluisse,
 illico frater, & sui causam itineris re-
 tulit, & quod ipse viderat, exponen-
 do per ordinem, non celavit. Defos-
 so igitur tumulo, ita propemodum to-
 tum sancti Viri corpus sanum, illiba-
 tumque reperiunt, velut tunc fuerat,
 cum sepulturæ illud primitus tradide-
 runt excepto quod tenuis quædam mu-
 coris lanugo in quibusdam ejus mem-
 bris excrevisse videbatur. Reiecta igi-
 tur modica capsula, quæ facta fuerat, il-
 licò vas aptum ad mensuram beati cor-
 poris præparant, & in eo sanctarum
 reliquiarum patrocinia recondentes,
 desuper altare solemniter consecrant.
 Obijt autem Vir beatissimus Romual-
 dus decimitertio Kalendarum Juliarum
 Regnante Domino nostro Jesu Christo,
 qui cum Patre, & Spiritu sancto vivit,
 & gloriatur per infinita sæcula sæculo-
 rum, Amen,

Quæ-

Quædam alia , quæ ad vitam S.
Romualdi spectant , ab eodem
Divo Petro Damiani spar-
sim descripta .

S. Romualdi modestia , atque prudentia .

Ex Tom. 1. lib. 6. Epist. 16. pag. 288. A

Beatus aliquandò Romualdus rediens à Sybillæ Comitissæ colloquio , comitanti , fertur , callidè dixisse discipulo : quàm elegantis , ait , & venusti vultus fæmina , nisi , pròh dolor , unius oculi dispendio laboraret ? cui discipulus , absit , Magister , inquit , sicut decora certe facies , ita quoque oculi , prout sagagitèr deprehendi nihilominùs incolumes vigent . Quem Magister acerrima protinùs animadversione corripiès , & quis te , inquit , in faciem fæminarù respicere docuit ? tunc ille circumuentum se esse respiciens pænitétia ductus , erubuit : & de cæterò cautiorè se fore , obstinatissima pollicitatione denovit .

*S. Romualdi consilium, ut sobrietatem
servemus, & hypocrisim fugiamus.*

Ex ead. Epist. pag. 290. E

Nec ineptus applies, quod sæne
suis discipulis Vir Domini Romualdus
ajebat fratres, inquit, cum in quorum-
libet conventu reficitis, intentis ad ci-
bum cæteris in ipso refectionis initio
parcite, & cum jam illis ex parte sa-
tisfactum fuerit, vos inchoate, quate-
nùs & hypocrisis notam possitis evade-
re, & sobrietatis regulam sinè offensio-
ne servare.

*Ordo persolvendi Psalterium pro vivis a
S. Romualdo institutus.*

Ex To. 3. Opusc. 15. cap. 19. pag. 151. F

Psalterium, quod est vivorum, cum
illis dicitur additamentis, quæ Beatus
Romualdus apponit, quæ etiam nos
non gravemur inferere; ne nos con-
queratur forte novitius, quæ sibi ma-
gnoperè noscenda sunt, præterisic.
Decursis planè quinque psalmis, pro-
tinus subinfertur: Gloria tibi Trinitas,
æqua-

æqualis una Deitas , & ante omne sæ-
 culum , & nunc , & in perpetuum .
 Orate pro nobis omnes sancti Dei , ut
 digni efficiamur promissionibus Domini
 Dei nostri Jesu Christi . Pater noster .
 His expletis , mox subditur : Adjuto-
 rium nostrum in nomine Domini . Qui
 fecit cælum , & terram . Et evolutis
 aliis quinque psalmis , tunc dicitur : Te
 Deum Patrem ingenitum , te Filium
 unigenitum , te Spiritum sanctum Pa-
 raclitum , sanctam , & individuum Tri-
 nitatem , toto corde , & ore confitemur ,
 laudamus , atque benedicamus tibi glo-
 ria in sæcula , Amen . Domine Deus in
 adjutorium meum intende , Domine ad
 adjuvandum me festina . Confundantur ,
 & revereantur inimici mei , qui quæ-
 runt animam meam . Adiutor meus &
 liberator meus esto , Domine ne tarda-
 veris . & Gloria Patri , & Filio , &
 Spiritui sancto . Quo finito rursus dici-
 tur : Adjutorium nostrum in nomine
 Domini . Hæc igitur per quinquenos
 psalmos alternatim semper adduntur ,
 donèc psalterium cum tribus Domini-
 calibus , nec non & totius hebdomadæ
 Canticis expleatur , His etiam non ne-
 glectis , quæ in fine Psalterii videntur
 adje-

adjecta, videlicet .Te Deum laudamus:
Nunc dimittis Domine servum tuum ;
duobus symbolis ; Gloria in excelsis
Deo ; Pater noster , cum fide catholi-
ca ; postremo litanæ cum orationibus
hæc omnia consueto fine concludunt .

Sancti Romualdi disciplina discretio.

Ex eod. Opusc. c. 16.. .pag. 254. C

Nos approbamus, quod suis sæpè di-
scipulis beatus Romualdus dixisse pre-
hibetur : dummodò, inquit, frater qui-
libet cellam non deserat , etiam carnes
permittatur ex discretione comedere ,
si tam inevitabilis videatur necessitas
imminere . Addebàt insuper . Tale e-
nim propemodùm est de Eremitio ad Mo-
nasterium reverti , quale de monaste-
riali ordine ad sæculum asportari . Un-
dè necesse est , ut quicumque Eremiti-
cæ præest fraternitati , robur cujus-
que diligenter examinet , & juxta vi-
rium facultatem necèssaria submini-
stret .

Nam & idem beatus Romualdus , ut
sui consueverunt referre discipuli , sic
æstivi temporis hebdomadas alternabat:
ut unam quidem à Dominica in Domi-
nicam in pane, & aqua jejunando transi-
geret ; alterius verò hebdomadæ pul-
mentum quinta feria manducaret .

F I N I S .

Casimirus I unus Rex Poloniarum.

fuit I. P. N. Renualdi discipulus.

Thom. de Damiani Cap. 20. in vita I. Romani.

I. Anthonis foresti. I. in Historia Mappamondo. Tom. 2. parte 2. a.

Mathia de Michibovia Polon. 2. Cap. 39.

Qui duos Casimiros distinguit. Unus Ro-


ber I. unus Romine Casimirus fuit Rex

Poloniarum & Ferris.

Alter fuit Romine Casimirus fuit Ro-

manus Rex Poloniarum. Cuius fuit filius

I. Casimirus Princeps de quo supra Mathia.



Biblioteka Jagiellońska



stdr0029970

